

AWE TA ULTIMO DIA
PA ENTREGA BO
COUPON
(+ 2.50) PA ASINA BO
HAYA BO TICKET PA
E RIFA DI AUTO RIBA
10 DI MEI



Diabierna Mei 8 2015 -Edicion-8 Vol.19486 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

Urataca Center
Diabierna 8 di Mei 2015:
Garlic Grouper - Aroz - Batata
-Banana
10 fl
Tel: 585-5212

Rapport di IMF a sali ayera y ta igual na CFT

IMF: MIKE EMAN A GOBERNA MALO Y MESTER TUMA MEDIDA AWOR

Si no tuma medida adicional, deficit fiscal lo subi mucho mas

Abogado Anthony Ruiz:

**Michelle Winklaar no a proba cu e
compania Insure to Study tin forza
financiero pa carga e contract**

Huez a duna Edmond Croes razon di a pensa cu e
bidding aki por ta gefix!

**Marisol a pone guillotina riba
cabez di Mike**

**Carta di Marisol a
pone Mike Eman den
un caya sin salida**

**Fraccion di MEP a reuni cu
Standard & Poor's**

**MEP ta urgi gobierno pa
haci su esfuerzo negosha
reapertura di refineria**



**Na nos mesa di
redaccion a drenta
e triste noticia di
fayecimento di nos gran
colaborador di deporte,
Feliz Geerman**
Nos mas sincero
condolencia na famia di
e fayecido.
Cu Feliz sosega na paz!

Gana un auto pa Dia di Mama

Number: _____

Fam: _____

Telefon: _____

* Con pa participa?

- Trece e coupon aki entrante 28 di April te cu 8 di Mei 2015 entre 9,or mainta pa pa 4,or atardi, na nos oficina,
- PLUS Afl. 2.50 y ricibi un ticket di rifa
- No tin limitacion, spaar bo coupon! Mas coupon = mas ticket = mas chens!
- Cu cada Coupon + Afl. 2.50 bo ta haya un ticket
- Sorteo ta tuma lugar diadomingo dia 10 di Mei 2015 riba loteria di Sto. Domingo
- Resultado por ser mira na www.loteriasdominicas.com
- Fondo recauda lo bay pa yuda deporte

UN AUTO PA DIA DI MAMA

Fondonan ta bay pa yuda deporte

1er : UN AUTO HYUNDAI EON 2015

2ndo: Cash Afl. 1000.00

3cer : Un pasashi pa Miami cu Insel Air

12345

Prijs pa ticket: Afl. 5.00

Fecha: Diadomingo 10 di mei, 2015

Sorteo: Sto. Domingo

(Billetes Domingo: 5 cifra di 1er: 2ndo: 3er: premio)

Resultado: Per controla nummernan ganador na www.loteriasdominicas.com

*Ticketnan cu no wordo paga na ta den weg

*Ganador tin 30 dia pa reclama su premio

*Organisa pa Club Trappers pa yuda deporte

Number: _____

Address: _____

Tel: _____

12345



Fraccion MEP a cuestiona maneho di Minister Oduber



Diahuebs e reunionan relaciona cu presupuesto 2015 a continua cu Minister Oduber. Miembronan di fraccion di MEP a elabora entre otro riba calidad di turismo y cultura. Parlamentario Dangui Oduber a trece preocupacionan dilanti di e desaroyo nobo den nos turismo. Parlamentario Oduber a expresa lo siguiente: "Tin un crecimiento ficticio y e crecimiento aki ta danki pa e crecimiento inusual di turistanan for di Venezuela. Cifranan ta indica cu un turista di awe ta gasta mucho menos placa pa dia comparando cu e año 2008. Turistanan cu ta biniendo Aruba no por wordo considera como un desaroyo duradero. Ocupacion pa anochi na hotel a baha, ocupacion na casnan priva y apartamentonan a subi. Segun directora di ATA nan ta bay ahusta e proyeccion di turistanan di Venezuela, mirando e situacion social economico na e pais aki. Bisando esaki el'a cuminsa

avisa pueblo cu e aña aki turismo lo cay!" Lider di fraccion MEP, Evelyn Wever-Croes durante debate cu minister di Turismo a enfatiza riba e importancia pa proteha nos unico pilar economico. "Turismo ta nos unico pilar economico y expertonan tibia e tereno a expresa nan preocupacion. Turismo so no por sigui carga nos economia. E riesgo ta cu e por burn out y e ora nos a perde tur cos. Pesey mi a pidi gobierno pa traha riba diversifica nos economia y no destrui e pilar economico di e refinaria" Parlamentario Guillfred Besaril a enfatiza den su disertacion riba agricultura. Parlamentario Besaril a declara lo siguiente: "Agricultornan local ta confrontando un periodo dificil pa diferente motibo." Awa" ta un di e gastonan di mas halto pa esnan cu ta den agricultura. E problematica di awa ta asina cronico, cu tin Agricultornan cla pa bati bancarota. Agricultornan a sugeri pa un "Fixed Price" pa

awa di WEB of e posibilidad di cumpra e awa cu WEB ta usa pa spoeling di tubo na un bon prijs." En conexion cu esaki minister a wordo puntra pa splica Staten den ki forma e ta atende cu e tema 'ki. Tambe agricultornan ta keha di competencia inhusto di productonan cu ta bini di afor. E pregunta cu a wordo lanza na minister relaciona cu esaki tabata. Si e minister por splica Staten den ki forma tin pensa di proteha e agricultornan local di e competencia inhusto na cual e grupo ta referi. Parlamentario mr. Xiomara Ruiz-Maduro a cuestiona e hecho cu parkeermeters lo tin un efecto negativo riba e comercio den Caya Betico Croes na e momentonan aki. Ya caba e trabaonan den Caya Betico Croes a causa hopi perdida di venta y cupo di trabao y hasta a pone hopi negoshi cera nan portanan. E tram tambe no a trece e beneficio spera pa e comercio den Caya Betico Croes. E turista ta keiro, pero e no ta cumpra. Parlamentario Maduro a pidi Minister Oduber pa aclarea e rumor di su retiro for di Gobierno di AVP pa motibo di e Protocol di CFT. Ya cu despues e mandatario a sali ta duna Pueblo pabien pa e firma di e Protocol. Finalmente cada acusacion di Minister Oduber den direccion di MEP a wordo contradeci cu e protocol den man.

Parlamentario di MEP, mr. Xiomara Maduro:

E Protocol di CFT ta un camisa di forza pa Gabinete Eman

E siman aki a bira conoci e Protocol cu Gabinete Eman a cera cu Hulanda pa asina por trece tranquilidad den Reino pa locual ta e supervision financiero di CFT riba e finanzas publico di nos Pais. En corto por ser bisa cu e Protocol di CFT ta nada mas cu un camisa di forza pa obliga Gabinete Eman caba cu su mal maneho financiero.

Ta bisto cu Hulanda no ta confia e maneho financiero di Gabinete Eman y a buscatu manera na alcance di Reino pa coregi e rumbo scogi. A purba via KB y awor a bay asina leu di pone Minister Eman doblega y firma oficialmente pa CFT supervisa su gobierno. E realidad cu e cifranan financiero di nos Pais ta refleha, e hecho cu a crea un debe astronomico den poco tempo y mirando cu no tin un plan confiabel pa por drecha e situacion financiero, ta pone cu Hulanda atraves di e Protocol ta hinca Gabinete Eman den un camisa di forza pa nan por cambia nan pensamiento y coregi

nan actuacion.



E protocol ta oficializa e trabao di supervision di CFT na Aruba y ta regula e intervencion y toma di decision di Ministernan Hulandes den nos asuntonan financiero. Banda di esaki e protocol ta muestra riba e instruccion cu Hulanda por duna pa Aruba cumpli cabalmente cu locual CFT ta prescribi. Pues e Protocol ta nada mas cu un camiseta di forza pa obliga Gabinete Eman pa caba cu su mal gobernacion.

Glenbert Croes di MEP:

Pueblo mester paga pa e ultimo cinco añanan, sin tin arte ni parte aden!



Según Glenbert Croes, Dia 2 di Mei, ta unda nan a dera Status Aparte di Aruba. Un fecha cu lo keda graba pa semper den nos mente pasobra aki nan a pone gobierno bao curatela. Politiconan ta maestro den purba di papia un cos malo y pint'e bon. E dolor ta cu pueblo mester paga e consecuencia pa e acuerdo aki cu a wordo firma. Gobierno di Hulanda a bisa gobierno di Aruba cu si e kier e na bon of na malo. E pregunta ta keda cu si bo ta un bon gobierno bo lo por bisa Hulanda cu no ta acepta

ni un di dos; e unico cos cu a haci ta redobla debe, redobla gasto anto Hulanda a pensa pami impidi e cuenta di debe di Aruba bira un cuenta pa belasting betaling Hulandes. Loke nan ta lubida ta e belasting betaling pa Arubiano awor nan kier protehe e belasting betaling Hulandes y esun di Aruba awor? E pueblo aki mester bay paga pa e desaster di e ultimo 5 año nan mientras cu e pueblo ni tin nada di haber cu e desaster aki di e gabinete Mike Eman.

Ladronnan a kibra porta na Sabana Basora

Polis a bay diarazon pa 11:25, na un cas na Sabana Basora pa un kiebro. Na e sitio e homber P. a bisa cu mas o menos 23:00, el'a yega cas y a mira cu e porta dilanti di su cas tabata kibra y ladronnan a drenta den su cas. Polis a tuma e keho.

Rapport di IMF a sali ayera y ta igual na CFT

IMF: Mike Eman a goberna malo y mester tuma medida awor

Si no tuma medida adicional, deficit fiscal lo subi mucho mas

Ayera merdia IMF, (Fondo Monetario Internacional) a emiti un rapport nobo riba Gobierno di Mike Eman. E rapport no tin nada nobo, cu nos pueblo no sa! E rapport ta reconfirma loke CFT y tur otronan a bin ta bisando: Mike Eman a goberna malo y door di hiba mal gobernacion mester tuma medida. IMF a bisa cu apesar di e reforme fiscal cu tabata tin, e debe di Aruba a sigui crece te cu a surpasa 80% di e GDP den 2014. Como tal ta ordena pa tuma medida adicional

pa aumenta e entrada y reduci gasto, pa asina por yega na e e consolidacion fiscal desea. Sin medida adicional, e deficit fiscal lo sigui subi y bira mas grandi, y debe lo continua aumentando.

Nota di redaccion: No laga ningun hende ganjabo, cu nan a hiba un gobernacion BON, anto mester tuma medida severo! Es decir, a hiba un gobernacion MALO, PESIMO, a fia placa mescos cu nos ta yegando fin di mundo cu no tin mañan. Y awor ta

ora pa laga pueblo paga! E rapport di IMF, pa nos redaccion no ta nada nobo, solamente cu IMF a enfatiza cu mester bini medida adicional, cual ta igual cu CFT a bisa caba desde año pasa. Ainda nos por corda con Mike Eman, algun siman pasa a manipula pueblo, ora el'a lesa un pida di e carta di IMF, pero e no tabata tin curashi pa lesa e pida unda ta pone cu el'a goberna robez y malo y mester bini cu medida.

Fraccion di MEP a reuni cu Standard & Poor's



Fraccion di MEP a reuni ayera mainta cu Standard & Poor's (S&P) riba e situacion financiero y economico di nos Pais. E reunion a toca entre otro e protocol pa supervision di CFT y e realidad

nobo cu esaki ta trece cune pa nos Pais. S & P tabata interesa riba e opinion di nos fraccion riba e plan di Gobierno pa drecha nos finanzas publico y e retonan cu nos ta waak pa e crecimiento economico.

Nos fraccion a mustra S & P tambe riba e alternativanan cu tin pa desvia di e rumbo scogi pa Gabinete Eman. Na final di e reunion nos a pidi S & P pa no perde confianza den e futuro di e Pais aki.

Gerick Croes di MEP:

Minister Oduber ta malinforma pueblo tocante suma subsidia na Arubus

Nota di cambio y Raad van Advies ta demostra lo contrario

Den un comunicado fecha 29 April 2015 y riba medianan social Minister di Turismo y Transporte Oduber a refuta categoricamente cu subsidio di Arubus lo a wordo aumenta cu 3 miyon florin den presupuesto 2015 en conexion cu operacion di tram. Adicionalmente e minister aki a declara cu hustamente a baha subsidio comparando cu aña 2013. Den e articulo aki nos lo bay splica pakico Minister Oduber ta malinformando pueblo. Ta asina cu riba dia 30 Maart 2015 Gabinete Eman a entrega un nota di cambio na Raad van Advies. Un nota di cambio ta ilustra tur ahustacion (sea cu a baha of hisa gasto) den e presupuesto 2015. Riba pagina 3 di e nota di cambio punto #32 ta para cu cu lo bay cambia e post di subsidio di 6.276.000 reemplaz'e pa 9.276.000 cual diferencia ta net 3 miyon. Mas atras den e "Memorie van



Toelichting" riba pagina 15 bao di e post "4600 subsidies" gobierno ta splica lo siguiente. E gastonan di subsidio ta wordo aumenta cu 3

miyon florin "naar het oorspronkelijk budget van 2013". Motibonan principal cu a wordo duna pa e aumento di e subsidio aki ta cu entre otro lo tin mas gastonan operacional di e tramnan pero tambe cu tin un retraso den implementacion di e medidanan pa genera entrada y a referi na parkeermeters. Hasta a papia di un plan pa sanea e situacion financiero substancialmente den e proximo 2 añanan. Aparte di loke a wordo presenta den e nota di cambio y su memorie van toelichting ta importante pa pone enfasis riba loke Raad van Advies a expresa. Riba pagina 3 punto 3.1 RVA ta subraya cu no tin claridad cual parti di e aumento aki di 3 miyon florin tin di haber cu no a logra introduci medidanan pa genera entrada y cual tin di haber cu aumento di gastonan relaciona cu e tramnan. Pa loke ta trata e ponencia di Minister Oduber cu

supuestamente a baha subsidio comparando cu aña 2013 Raad van Advies ta contradici'e. E aumento di e subsidio ta wordo considera uno significativo pasobra comparando cu 2014 ta papiando di un aumento di 24%. Ademas Raad van Advies ta remarca cu inicialmente na aña 2014 ya caba tabata tin un aumento di 20% comparando cu 2013. Pa e motibo aki Raad van Advies a enfatiza riba e hecho cu gobierno mester tene cuenta cu e situacion financiero precario di Arubus. Basa riba tur loke nos ta menciona bo por conclui cu Minister Oduber ta malinformando pueblo. Nos di oposicion ta lamenta e tipo di politica aki y cu no ta honesto cu pueblo di Aruba. E ta mas cu obvio cu poco poco mas minister ta mustra cu nan a wordo contagia cu pinocchitis y ta determina pa hipnotiza pueblo cu malinformacion.

S A G A R I I	SAGAR II	SAGAR II	SAGAR II	SAGAR II	S A G A R I I
	COLLECTION NOBO DI PAÑA PA DAMAS PA DIA DI MAMA	BLUSAS REG/PLUS SET DI SAYA/CARZON	LEGGINS NOBO JOGGER PANTS JEAN CAMISA/LEGGINS		
	TUR JEANS NA 4 PA 100 FLORIN SHORTS 5 PA 100 FLORIN	MOJO SHIRTS DEN TUR COLOR 1 SIZE	LINGERIE NOBO HOPI TAS NOBO BUNITA		
	TUR CARZON DI LINEN /SAYA FLS.25 TUR SETS FLS 45.00	SUPER SPECIAL TUR SHIMIS NA 35%			
CAYA G.F. BETICO CROES 64 TEL.: 588 - 4488 HABRI NON STOP 9.00 TE 6.30					

Abogado Anthony Ruiz:

Michelle Winklaar no a proba cu e compania Insure to Study tin forza financiero pa carga e contract

Huez a duna Edmond Croes razon di a pensa cu e bidding aki por ta gefix!

Den e conferencia di prensa cu abogado Anthony Ruiz a tende, despues cu el'a gana e caso pa Solo di Pueblo, e abogado a sigui splica riba henter e proceso di bidding di seguro pa studiantenan cu Solo di Pueblo a cuestiona.

E abogado a bisa cu durante e tratamento di e caso a bini mas pregunta, riba e compania cu a gana e bid, Insure to Study, esta riba bedrag y suma di bid, compara cu loke Bogaard a presenta pa por gana e bidding aki. Si mi no ta hera ta 9 euro mas barata cu e compania cu a gana e bid. Por ehempel mi cliente a haci e pregunta: Ken tabata den e comision cu a dicidi cu Insure to Study a gana e bidding?

Pakico mi cliente a haci

esey? Pasobra mi cliente ta corda riba e caso cu el'a haci contra Otmar Oduber unda den comision di destaho publico di proyecto di Bushiri, tabata tin sintá ruman di señor Baba Herde y tambe primo di Otmar, Simon Arends.

Abogado Ruiz a sigui splica: Dus mi cliente Edmond Croes/ Solo di Pueblo tabata kier a sa por ehempel si casa di Michelle Hooyboer tabata den e comision cu a atende y dicidi ken ta bay gana bidding di e seguro na Hulanda pa studiantenan.

Riba tur e preguntanan cu mi cliente a haci varios biaha, nunca mi cliente a haya contesta.

Ey minister Michelle Winklaar a cuminsa caso

contra mi cliente. Di nos parti nos a haci tur research riba e hechonan pa e caso aki.

Nos a presenta na huez, e motibonan cu Croes di Solo di Pueblo mag di skirbi critico riba e hechonan aki y ey huez a bisa cu señor Croes y Jan de Ruijter no a comete ningun acto ilicito y al contrario nan a haci nan trabao critico como periodista.

Te hasta huez a puntra si relaciona cu e trabao cu Croes a haci, durante di e publicacionnan aki, parlamento di Aruba a haci algun pregunta. A contesta huez cu si! Huez a bisa mas cu claro cu e trabao di señor Croes ta bon haci, pasobra el'a zorg pa e parlamentarionan ta



critico riba e oponentenan aki.

Esey a resulta cu ambos demanda contra Solo di Pueblo, Croes y de Ruijter a wordo rechaza.

Huez tabata hopi hopi critico den consideracion 3.7 y 3.8, unda e tambe ta

cuestiona e destaho publico y ta bisa tambe minister no a mustra den ningun manera cu e compania cu a gana e bidding aki tin e forza financiero, pa wanta e contract aki y tampoco Minister a mustra cu e compania ta conecta of uni cu otro compania cu si tin placa pa carga e contract. Berdad cu Croes ta di opinion, cu e bidding aki por ta gefix y por tin consecuencia pa e studiantenan na Hulanda, pasobra no a bin claridad riba e forza financiero di e compania aki, esta cu compania tin placa suficiente pa por wanta un sla. Esaki un biaha mas ta un les pa mandatarionan, kendenan no kier duna contesta ora cu prensa haci pregunta na nan.

Nissan Sentra laga atras na Vader Piet

Polis di San Nicolas a bay diarazon pa 8:13, na Vader Piet, ladronnan a laga un auto horta atras. Na e sitio Polis a topa cu e auto A-40956, un Nissan Sentra preto. Takelwagen a transporta e auto pa warda di Polis, pa investigacion.

Desconoci a benta muraya di cura abao

Central a manda Polisnan diarazon pa 8:22, na un cas na Bloemond pa destruccion. Na e sitio e habitante J. a bisa cu mas omenos 2:30, el'a lanta y a bay controla su cas. El'a constata cu muraya di su cura tabata kibra. No tabata tin claridad cu esaki a wordo haci pa desconoci.



Enjoy *Mother's Day* at Hyatt Casino.

Come celebrate with us and choose one of the lucky Mother's Day baskets with lots of cash prizes.

Sunday, May 10, 2015
4:00 PM - 7:00 PM

Hyatt. You're more than welcome.



HYATT
REGENCY

For more information, please contact our Players Advantage Club at 566-1234 ext. 4583.
HYATT, Hyatt Hotels & Resorts® and Hyatt Regency Aruba Resort, Spa & Casino® designs and related marks are trademarks of Hyatt Corporation ©2015 Hyatt Corporation. All rights reserved.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500





Invitacion na Miembronan di OPPA pa show 'Sazon Cubano' dia 24 di Mei venidero

Diadomingo 24 di Mei venidero, ta bay tuma lugar e tremendo show 'Sazon Cubano' na Cas di Cultura. Manera aña pasa OPPA, cu cooperacion di Señor Mirto Lacle, organizador di e show, ta duna oportunidad na 65 miembro pa bay presencia e show. Ta pa e motibo aki OPPA ta invita e miembronan cu no a haya kaarchi aña pasa y cu a keda cu gana di waak e show, pa pasa cumpra nan kaarchi mas liher posibel. Por haci esaki for di dia 8 di Mei te cu dia 18 di Mei 2015 na oficina di OPPA. Orario di oficina ta di dialuna pa diabierna di 9'or di mainta pa 12'or di merdia. E prijs pa e actividad lo ta Awg.30,- pa persona tanto pa miembro y un invitado. Esaki ta inclui tambe un lunch na 'The Grill House', na Zoutmanstraat # 31, cu ta keda banda di Lagoen na Playa. E lunch ta tuma lugar pa 12'or di merdia y

despues di sisti e stoma bon, lo sali pa Cas di Cultura pa 3'or y mey, pa asina bay goza di un bunita show. E biaha aki mester haci uso di propio transporte, pero no ta un problema ya cu tin amplio lugar di parkeer cerca di e restaurant. Tambe OPPA ta anuncia su siguiente actividad cu ta bay tuma lugar dia 24 di Juni cu ta un Seso-Sport. Di awor caba por cuminsa cera team di 6 persona pa bin kibra cabez, hari poco y midi cuanto conocimiento tin ainda. Tocante e viahe pa Medellin, OPPA ta informa cu esaki lo tuma lugar for dia 7 di Oktober te cu dia 14 di Oktober 2015 y ainda tin algun lugar habri. Relaciona cu e viahe ta invita esnan cu a registra pa bin un mainta di informacion cu lo tuma lugar riba diamars dia 19 di Mei di 10'or pa 11'or di mainta na oficina di OPPA. Nos ta warda bo.

7 Siman di Fitness cu Mary Joan Foundation a inicia



Diarazon dia 6 di Mei Mary Joan Foundation a ricibi un reaccion positivo di participantenan pa e programa di movicion cu a inicia. Un grupo sumamente dinamico y hopi entusiasmo pa tuma control riba nan salud a acudi pa participa.

E programa di movicion tin un duracion di siete siman na unda esnan cu a inscribi pa participa lo bay experiencia un variacion di ehercicio bao di e guia di sra. Jacqueline Ponson-van Putten. Sra. Ponson-

van Putten ta dedica su experticio na e bienestar di e ser humano, den e forma mas holistico, esta curpa, mente y spirito.

Durante e ultimo 3 aña e damanan cu a participa, a keda haci ehercicio pasobra nan a mira mehoracion. Nan condicion a bay dilanti, nan a recobra energia y tambe nan a cera un bunita amistad cu otro sobrevivientenan.

Cu e programa di Fitness aki, Mary Joan Foundation ta ofrece ABO

e oportunidad un biaha mas. Bo ta of a confronta cancer na pecho? Bo ta sintibo floho? Bo curpa ta sinti stijf? Bo animo ta abou? Wel, awor ta un oportunidad unico pa bo haci un cambio na esaki.

Pa mas informacion por pasa na oficina di Mary Joan Foundation, situa na Sabana Blanco 8. Tambe por yama na telefoon 588-9999 of 594-0919. E email adres ta: maryjoanfoundation@setarnet.aw.

QUOTA INTERNATIONAL OF ARUBA CU TREMEMDO FUNDRAISING

PICNIC DANSANT * JEANS & JEWELS* CU QUOTA

DIA 14 JUNI, 2015

Despues cu aña pasa Quota International of Aruba a celebra su di 5 aña cu a introduci e tema "Picnic-dansant" den dia, cu tema nan manera,

* Pic-nic den cunucu – den hoffie y varios mas e aña aki conhuntamente cu nos comision a opta pa un cambio. Nos ta keda cu Pic-nic Dansant, pero cu un otro ambiente mas moderno, esta cu e tema * JEANS & JEWELS * cu esaki nos kier meen, cu nos comunidad por cuminsa pensa con nan lo bay bin bisti, drechando nan jeans nan, cu piedranan precioso, manera swaroski, perla y mucho mas, e jacket of blusa tur na Piedra nan precioso.

Esaki ta haci cu e ambiente di hoffie lo bay cambia y lo transforma Renaissance Conference Center den un estilo "Disco". Razon cu nos mester a cambia nos bandanan tambe, nos ta bay tin Tsunami y Robert y su Solo Banda. Nos ta bay tin nos bailadornan di

Pachanga kende nan lo baila cu tur esnan cu ta desea. Hopi ta esnan cu ta comenta cu un fiesta ariba diadomingo merdia ta algo unico y esaki Quota a sa di sucha y opta pa keda cune un biaha mas. E cuminda ta manera Quota so sa di brinda, un buffet prepara pa e Mihor chefnan di Renaissance. Tur aña Quota ta organiza un evento grandi di fundraising, cu e meta pa recauda suficiente fondo pa por yuda esnan menos afortuna den nos comunidad, especialmente esnan cu problema di oido y habla y hende muher y muchanan den dificultad. Tur e ganashi di e evento lo bay pa e instancianan cu tanto tin mester di dje den nos comunidad. E aña aki e evento di fundraising di Quota lo tuma lugar: Diadomingo dia 14 di Juni, 2015 di 12'or merdia pa 5'or atardi, na Renaissance Conference Center. Musica lo ta den man di: Tsunami y Robert y su

solo Banda. E contribucion ta \$100 (Afls. 175.00) cual ta inclui un welcome drink, cuminda ta manera Quota ta custumbra un delicioso buffet y gozando di e tremendo 2 bandanan. Mas importante ta cu nos mester corda cu e placa cu wordo recauda ta bay bek den nos comunidad.

Ya miembronan di Quota a cuminsa cu e preparacionnan pa e evento grandi aki. Esaki ta un tremendo forma pa celebra dia di tata, cual ta un siman despues. Sorpresa e casa of e tata cumprando nan ticket pa e Picnic Dansant Jeans & Jewels cu Quota.

Quota ta conta un biaha mas ariba nos pueblo di Aruba, comercio, pa haci e Fund raising Picnic dansant uno exitoso.

Glenbert Croes:

E acuerdo firma pa Mike y Plasterk ta un traición di nos Status Aparte y di nos pueblo!



Glenbert Croes, parlamentario di MEP, a remarca cu gobierno di Aruba y gobierno di Hulanda ta bay di acuerdo cu un ley. Awor ta gobierno ta traha ley of ta parlamento mester aproba e ley. Kier meen Mike Ema a firma e acuerdo pa e haya placa. El'a haya un

préstamo, pesey el'a firme. E parlamentario ta sigui comenta cu ora un hende lucha y otro no ta lucha pa algo, ta facil pa destrui algo pasobra bo no sa su balor y esey ta loke Mike Eman a haci. E acuerdo aki si ta un traicion di nos Status Aparte y di nos pueblo.

Polis a intermedia relaciona cu ponemento di parasol

Central a manda polisnan di Strand diarazon 10:25, na Art Watersport na haltura di Occidental Hotel pa un intermediacion. Na e sitio e homber M. a bisa cu e ta doño di e watersport y el'a bisa cu e ta tene su mes na su permit, pero e ta sinti cu e hotel si no ta haci esey. El'a muestra Polisnan cinco parasol cu e hotel a pone riba strand publico sin permit. El'a bisa cu segun e, ta tene su mes na regla; e hotel tambe mester haci mescos.. Despues Polis a bay den e hotel y a papia cu e managernan. Nan a bisa cu nan no tin permit y mirando cu nan ta na haltura di e cambionan cu ta bay tuma lugar nan a pensa cu mientras tantonan por haci'e. Polis a ponenan na haltura cu nan no ta permiti pa haci esey sin permit. Nan a comprende y lo laga kita e parasolnan. Polis a conseha nan pa nan bay pidi permit. Despues Polis a bay bek cerca M. y a bise pa e tuma contacto cu DIP.

Dia cu security di airport a takel auto di e Haitiano.....

HAITIANO DAQUIN A GRITA "AMI TA DOÑO DI ARUBA"... BAHAM MI AUTO DI TAKEL

Constantemente miembronan, of famianan di minister ta bringa cu securitynan

SOLO a bin comprende cu no ta prome vez cu tin pleito na airport entre mandatarionan, coordinadornan of famianan di minister.

No mucho tempo pasa, e man drechi di Mike Eman, esta Dakens, tambe su auto a wordo poni pa takel. For di fuentenan bon na altura, nos a bin comprende cu e Haitiano Dakens a bira loco deremate. El'a cumenza zapatea y grita e securitynan den forma hopi onbeschoft. Su palabranan tabata cu "tami ta manda".. "Ami ta Mike Eman".. "Mi ta yama Mike awor"... "Con

boso number ta? Mi ta manda kita boso tur di trabao"... y finalmente el'a grita: "Ami ta doño di Aruba hunto cu Mike".

E securitynan di airport mester a sinta soporta hopi insulto, palabranan grocero etc. etc.

Sinembargo e securitynan no a doblega y a mustre cu nan ta ranca su auto y bay cune. Nan a mustre cu e tin cu paga 75 florin.

Aparentemente el'a yama Mike Eman na Samoa, pero Mike no a contesta telefon.

Es decir, no ta solamente

Mike De Meza tabata tin e actitud grocero di exige pa baha su auto di takel, pasobra e lo bin paga mañan, pero mas figuranan "prominente" di e partido tambe a pasa den storianan similar.

Mas cu claro cu e securitynan a percura pa nan ricibi un bon bendicion di awa bendita, pa asina kibra tur efecto di voodoo cu Dakens lo por a bay traha pa nan riba Sero di Hooiberg den madrugada, of Sero di Canashito.

Loke a hala nos atencion tabata e grito: "Ami ta doño di Aruba"!

MEP ta urgi gobierno pa haci su esfuerzo negosha reapertura di refineria y presenta plan na parlamento



"Nos ta urgi gobierno di Aruba haci cualkier intento pa negosha e reapertura di e refineria y no lague den man di Valero so." Esaki ta segun parlamentario di MEP, sr. Glenbert Croes. E ta sigu splica cu ta urgi gobierno pa

presenta na parlamento un plan di reapertura. Un parlamentario di AVP a bisa cu nan tambe a pidi gobierno pa haci mas esfuerzo pa logra e reapertura di e refineria. Por a tende Mike de Meza papia di e esfuerzo cu

ainda ta tuma lugar den e contesta, cu MEP a puntra si nan ta realiza con importante e reapertura di e refineria ta.

Croes a splica cu ta bay corta e wega cu Valero ta hungando te awor kier core cu interesadonan serio pa sirbi nan mesun interes. "Nos tey determina 2 cos pa nos mes awor: pa un: si di berdad e gruponan interesa si nan interes ta serio," Croes a remarca. Na Aruba nos tin hopi hende Arubiano cualifica cu por run e refineria, traha den refineria y mantene e refineria. Nos ta duna nos mes un chens pa waak e reapertura di e refineria, e Parlamentario a termina bisando.

Awe 8 di Mei 2015 ta cumpli 13 aña



JENNEVIENE MADURO

E ta ricibi hopi pabien di su papi Greg, mami Ginette, di su rumannan Jennelaine y Jehnrick, di Mama y Papa,

Wela, Nana, Madu, Tanchi Jessie, Oompi Oscar, Oompi Mitchell, Tanchi Angelique, Pepe Frida, Oompi Egga, di

su primo- y primanan, Tantanan Grandi y Omonan Grandi

y demas famia. Tambe di su amiganan y amigonan di

klas 1A di Colegio San Augustin y di su juf di Nederlands un abrazo y di su coleganan di Aruba Dolphins Swimming.

BLUSH | SANTA CRUZ 36 | 585 3323



TUR CORTE
TUR ESTILO PA DAMAS
Y CABAYERO AFL25.00

MEI
SPECIAL

PA LUNA DI MEI
CORTE TINJA Y BLOW AFL125.00
TINJA Y BLOW AFL100.00

MANICURE Y PEDICURE AFL50.00
DIALUNA PA DIAHUEBS

RICIBI BO BANJO DI CREMA
COMPLETAMENTE GRATIS
Y PUNTRA PA NOS SPECIAL
PACKAGE PA COMUNION
BRUID Y TUR OCACION

Top 95



Mama, simbolo di Amor

Dialuna pa dibierna di 7or te cu 9 or anochi via Top Fm

Presenta pa Esmeralda

You are the wind beneath my wings

FLY AWAY WITH US TO

THIS MOTHER'S DAY

MIAMI BIENVENIDO A

BUY & WIN

- 3X AIRLINE TICKETS + AFL. 1,000 CASH
- 2X AIRLINE TICKETS + AFL. 500 CASH
- 2X AIRLINE TICKETS + AFL. 200 CASH

Courtesy of **InselAir**

SETAR

1 Get 210 minutes and 7 GB of LTE data with a renewed Postpaid contract of 2 years of AFL 144,- p/month.
2 Get AFL 20,- prepaid credit and 3GB of LTE data with a renewed Hybrid contract of 2 years of AFL 09,- p/month.
3 Campaign valid until May 9th 2015 at any SETAR Teleshop or SETAR Store.

139 www.setar.aw Follow us on

Polis cu control Chickenfarm na Bushiri

Polis a bay diarazon 12:07 na e Chickenfarm na Bushiri pa control. Polis a papia cu e doño L. pa controla si e ta tene su mes na e palabracionnan haci. El'a bisa cu ainda e no a haya lugar pa hiba e porconan, como e amigo cu tin cu tuma e porconan, ta na China. El'a bisa cu e amigo lo bolbe dia 10 di Mei. E ta bay perura cu e porconan lo wordo cambia di lugar. Polis a bis'e cu nan ta bolbe pa controla si e ta tene su mes na e palabracion.

Cas bashi a haya bishita di ladron

Presencia di Polis a wordo pidi diarazon pa 11:00, na un cas den Tumba unda ladronnan a drenta den e cas. E muher D. a bisa cu e ta cuida e cas como cu e habitantenan ta di vacacion. Segun su declaracion, siman pasa e tabata pa ultimo biaha na e cas. Ayera e homber M. a bay traha den cura y a mira cu desconocirnan a drenta den e cas. Ora e doñonan bin nan lo mira kico a wordo horta.



KOORYMAN

DEAL OF THE WEEK

STUL DANTE

- Inicia den un bunita estilo y cu un respaldo configura
- Peso liviano y por pone riba otro
- Acaba cu verf di proteccion duradero y resistente na UV y temperatura
- Obtenibel den color gris, roos, berde, blauw y taupe



39.99



of 1600 Fun Miles




Kooyman Megastore Aruba Av. E. J. (Watty) Vos 20

Dialuna - Diasabra: 7am - 6pm • Diadomingo 9am - 2pm

www.kooymanbv.com • facebook.com/kooyman.megastore.aruba

Elegant, Quality & Good Taste



Mother's Day Special Discount
15 - 30% on selected items!



Furniture & Home Decor:

Living room / Dining room / Bedroom / Patio / Lightning

L A Z B O Y

Live life comfortably.



Come and visit us!!

Aruba a pone krans ariba Dodenherdenking na Waalsdorpervlakte



Den Haag - Un delegacion di Gabinete di Minister Plenipotenciario, encabeza pa un grupo grandi di studiantenan Arubano, a pone un krans na e monumentale na Waalsdorpervlakte ariba "Dodenherdenking" dialuna 4 di Mei 2015. Tambe tabata presente personal di Gabinete di Aruba y studiemotor di Tilburg Swinda Venhortst-Thijssen y e mentor di Utrecht Eddy Geerman.

Prome cu esaki a tuma lugar tabata tin un encuentro na Gabinete di Aruba na unda directora Shandra John a yama e publico bon bini y a bisa di ta contente cu asina hopi estudiante presente na e programa aki. Sra. John a bisa cu e conmemoracion arina "Dodenherdenking" na Waalsdorpervlakte ta un

lugar y un monumento cu un significacion especial, pasobra e monumento ta na e sitio unda durante di Segunda Guerra Mundial hopi persona cu tabata forma parti di e resistencia a wordo fusila. Entre nan e hoben Arubano Boy Ecury hunto cu otro miembronan a haya su morto pa medio di un peloton di balalaika 6 di November 1944. 'Ta importante pa tene na bida e memoria y e storia di bida di Boy Ecury'. Tambe sra. John a papia den su discurso ariba un parti di historia cu ta den olvido. 'Esaki ta e parti importante cu Aruba a hunga den Segundo Guerra Mundial. E refineria na San Nicolas tabata un distribidor importante pa comustible pa e tropanan di e forzan aliado cu tabata bringa contra di Alemania. Tabata

tin mail militair Americano na Aruba pa defende e refineria contra di atakenan cu submarino Aleman. Ariba 16 di Februari 1941 un diez tanker a keda destrui. Tur hoben entre 18 y 20 aña mester a drenta servicio militar pa defende e isla.' 'Mi ta spera cu e programa di awe lo inspira e generacion hoben tanto na Aruba Como na Hulanda, pa siña mas di Boy Ecury y cuminsa na prensa kico Reino ta significa pa nos tur. Pesey ta importante pa nos concentra mas ariba loke ta uni nos y no loke ta dividi nos. Pa Boy Ecury esaki tabata di mes; e tabata un "koninkrijksburger" y te ainda e ta esaki,' asina Shandra John, directora di Gabinete di Aruba a bisa. Despues Gisele Ecury, sobrina di Boy Ecury



e tene un charla hopi impresionante, den cual el'a referi na Segunda Guerra Mundial y su significacion ariba nos bida di awe. Naturalmente el'a papia di Boy Ecury, pero a bisa cu tambe tabate tin hopi hende

cu a lucha pa awe nos por ta disfruta di nos libertad y hopi di nan a paga esaki cu nan bida. Gisele a bisa cu nos nunca mester lubida kico a pasa den e Segunda Guerra Mundial. Potretnan: fotografo Nico van der Ven.

Banco di Seguro Social Aruba



Banco di Seguro Social Aruba (SVB) ta encarga pa cu ehecuta nos leyman riba tereno di incapacidad laboral den sector publico y sector priva. SVB ta controla su clientenan pa determina nan capacidad pa traha y ta crea oportunidadnan pa e cliente por reanuda su trabao. SVB ta guia su clientenan riba e caminda di reintegracion y hunto cu su clientenan ta desaroya diferente programa di reintegracion.

A base di un contract temporal nos ta buscando un **dokter di control**

cu ta desea di contribui na nos organizacion den un forma positivo. Si bo persona tin un diploma di bedrijfsarts, verzekeringsarts of un otro educacion considera como igual; bo persona tin un habilidad amplio pa comunica y banda di Papiamentu bo ta domina Hulandes, Spaño y Ingles; bo persona

ta cordialmente invita pa solicita. No ta nesecario pa ta registra den BIG-register pa bin na remarke.

Pa mas informacion tocante e vacatura aki por tuma contacto cu nos Hoofd di departamento Arbeid & Gezondheid, drs. R. Bieze, (297) 527-2700.

Solicitud en escrito, hunto cu un CV y un copia di diploma por wordo dirigi na señor ir. Edwin Jacobs, Directeur SVB Aruba, Caya Punta Brabo 19, Eagle, Aruba. Ta posibel tambe pa fax solicitud na (297) 587-7039. Despues di 30 di april 2015 no ta acepta mas solicitud riba e vacatura aki.

Explicitamente Arubianonan ta wordo pidi pa solicita y ta haya preferencia na prome instancia.

Ta encurasha Arubianonan cu a studia medicina den region pa solicita.

SVB - Seguridad pa Aruba su comunidad

Sede di BBQ tin tur diadomingo BBQ

Na Siribana di

11:00 am – 4:00 pm

Por yama na 7310131 of 5690131 y

tambe tin e rifa di Dia di Mama cu 5 florin

Pa Dia di Mama tin Cabrito

Stoba, y pisca hasa

Bo por gana un auto nops nops,

Corda pasa, mi ta warda bo cu mi BBQ crioyo!



Cu cada compra di 3 cuminda bo ta haya un ticket gratis

Marisol a pone guillotina riba cabez di Mike

Carta di Marisol a pone Mike Eman den un caya sin salida

Of e ta cumpli cu su promesa na Hulanda pa tuma medida of e lo haya un otro KB per direct



Marisol Lopez Tromp a manda un carta pa Gobierno pa asina haci algun pregunta na Gobierno relaciona cu e Presupuesto 2015.

Despues di e carta di CFT (CURAÇAO) dia 10 di April ultimo, unda nan a declara cu e presupuesto 2015 no ta sirbí, pasobra e no tin e consehonan di dia 29 di December 2014 y despues cu Mike Eman a firma protocol cu Hulanda, unda el'a priminti di bay na amen di CFT CURAÇAO, Marisol Lopez- Tromp kier a haya sa kico Gobierno ta bay haci.

Marisol a bisa cu el'a start cu tratamento di e presupuesto, pero awor ta mas cu obvio cu e presupuesto 2015 tin cu cambia, siguiendo e ultimo desaroyonan.

Marisol kier sa, pa asina e por ta na altura riba e debate den parlamento, esta riba kico nan mester debati.

E carta pa Gobierno ta masha simpel y lief!! Pero e contesta di Mike Eman ta hopi cruel y duro, pasobra Mike Eman despues cu el'a wordo poni lomba contra muraya door di Hulanda, awor door di su propio colega di Partido, esta

Marisol, tambe a wordo poni awor den un skina.

Kico Mike lo contesta? Y kico lo significa?

Na prome lugar, laga nos corda tur hende cu henter Reino ta siguiendo e desaroyo na Aruba. Politiconan di Curaçao ta sigui tur dia noticia di Aruba mescos cu Sint Maarten y Hulanda.

Loke nos kier bisa ta cu Plasterk tambe ta scucha reunion di Parlamento, pasobra VNO na Aruba ta conte tur cos y per direct.

Es decir: Si Mike Eman contesta Marisol, cu e lo bay bini cu cambio di begroting na amend di CFT, ta nifica cu e la acepta su error di crea Mega Debe y lo bay sinta riba su blaar pa tuma medida.

Pero si Mike Eman contesta Marisol cu NO, esey lo kier meen cu el'a kibra protocol; e protocol lo no dreña mas na vigor y esey kier meen cu lo bini un KB per direct pa Mike Eman.

Nos conclusion ta, cu Marisol a pone guillotina na cabez di Mike. Pasobra si Mike acepta cu el'a haci

fout y e lo sigur bay tuma medida, anto e ta kibrando su promesa di campaña na su votadornan.

Den debate cu Evelyn, el'a bisa textualmente: Si bo ta papia di medida, bay papia cu MEP. MEP ta hopi interesa pa tuma medida. Partido AVP lo

no tuma medida!

Si bo vota pa MEP: WANTA BO SACO! Es decir, si Mike acepta awor cu e lo bay cambia presupuesto 2015, e ora ey ta significa dos cos: 1. El'a acepta cu e tabata fout, di a lesa buki robez di Paul Krugman y 2. El'a kibra promesa di campaña.

Si Mike su contesta ta negativo, esey kier meen automaticamente un KB di Hulanda via un Algemeen Maatregel van Rijksbestuur, es decir un orden gubernamental di Hulanda pa schors, esta suspende Gobierno di AVP for di finanzas di nos pais.

Mother's Day

SPECIAL MENU

Appetizers (Choose One)

Shrimp Cocktail
Caesar Salad
Escargot Bourguignon
Mushroom on Deck
Or Soup Native Seafood

Entrees (Choose One)

Land & Sea

A perfect combination of Tenderloin, Grouper and Garlic Shrimp

Grilled Chicken Breast

Served with sweet and sour sauce

Twin Tenderloin Buccaneer

2 tenderloins topped with Mushroom sauce and Mozzarella Cheese and Demi glaze

Shrimp Delight

Garlic Shrimp or Shrimp Creole

Fresh Catch of the Day

Red Snapper or Mahi Mahi served with creole sauce

All entrees served with Plantains, Fresh vegetables and Rice

Dushi Mami Dessert

Served with coffee or tea

Children Menu

Fish creole and Fries, Chicken Nuggets and fries Macaroni and Cheese with fries

May 10th, 2015 open

from 11:00 am until 10:00 pm

Also served Friday May 8th and Saturday May 9th from 5:30pm- 10:00pm



Open: Monday through Saturday
from: 5:30 pm till 10 pm
For reservations please call:
586-6172 or Cell: 593-0027

Den colaboracion cu Universidad di Aruba y Arizona State University :

Caribbean Branch Office TNO cla pa e prome Aruba Summer School program

E prome Aruba Summer School di Caribbean Branch Office TNO (CBOT), ta cla pa inicia e luna aki. Ta trata di un colaboracion entre CBOT, e sucursal di TNO na Aruba, Arizona State University (ASU) y Universidad di Aruba (UA). E Aruba Summer School ta sigui e programa exitoso di Renewable Energy Training and Capacity Building na Universidad di West Indies (UWI), Jamaica, prepara pa CBOT hunto cu ASU. E programa na Aruba ta uno academico, multidisciplinario cu ta tuma lugar di 25 di Mei te cu 5 di Juni 2015. E pensamiento tras di e Aruba Summer School ta pa usa nos pais como punto di estudio, unda ta analiza conceptonan di sostenibilidad den un ambiente di isla. Participantenan na e programa di dos siman, lo bishita un cantidad di instancia pa por descubri con Aruba ta atende cu desaroyo sostenibel. Aki ta inclui bishitanan cu representantenan di WEB, ELMAR, aeropuerto, hotelnan como tambetraha di cerca cu expertonan local di TNO y Universidad

di Aruba. E Aruba Summer School ta un di e proyectonan educativo di CBOT. E programa na UWI, Jamaica tabata uno pa traha riba capacitacion, cu tabata organiza bao auspicio di e proyecto BRIDGE, financia pa e Banco di Desaroyo Inter Americano. BRIDGE ta para pa "Building Capacity and Regional Integration for the Development of a Generation of Entrepreneurs." CBOT, den asociacion cu ASU a ricibi un contrato di tres aña pa ehecuta e programa aki y prepara un forza laboral specializa den energia renobabel na Trinidad & Tobago, Barbados y Jamaica. E necesidad pa energia sostenibel ta sigui crece den Caribe, cu ta implica un demanda mas grandi pa un forza laboral cu mester diseña, opera y mantene e sistemanan aki. E Banco di Desaroyo Inter Americano y su organizacionnan partner a lanza e programa BRIDGE pa fungi como un brug pa esnan den e mercado laboral, nan capacidad y nivel di habilidad, y e forza labora di futuro cu mester cumpli cu e demandanan di sistemanan di energia sostenibel.



Ruurd Schoolderman, Consehero Strategico riba Energia afilia cu CBOT y lider di e proyecto di implementacion di BRIDGE a bisa cu "CBOT y ASU ta trahando cu otro pa prepara profesionnan tecnico na Aruba y otro islanan den Caribe. Nos experiencia combina den Caribe y reputacion como institucionnan educativo y investigacion di nivel

halto a permiti nos ta un candidato serio pa por a gana e proyecto importante aki." E entrenamiento na Jamaica a enfoca riba tecnologia di Photo Voltaic (PV) y instalacion, auditoria di energia y iluminacion eficiente. Durante e dos simannan aki na Jamaica, un total di 23 educador di e tres localidadnan di UWI den Caribe (na Trinidad & Tobago, Jamaica y Barbados) ademas di otro institucionan vocacional y tecnico a ricibi entrenamiento den energia renobabel; conocimiento cu nan awor ta hiba den nan propio programan educativo.

Ruurd Schoolderman a bisa cu "e obhetivo ta pa 'train-the-trainers,' esta percura pa esnan cu mester traspasa e conocimiento aki na nan institucion haya e preparacion debido. E ta importante cu e islanan no solamente reduci nan dependencia na petroleo importa, pero por haci uso di nan propio forza laboral pa crea fuentenan di energia local, manera

biento y solo, ademas di reduci consumo di energia pa medio di medidanan di eficiencia energetico. E programa BRIDGE ta contribui grandemente na esaki."

Aruba Summer School : E programa na Aruba lo ta basa riba e liña di pensamiento cu islanan ta ideal pa studia aspectonan di sostenibilidad, pa motibo di nan isolacion y escala chikito. Islanan ta ricibi reaccionnan mas fuerte, tanto positivo como negativo cu por ta lesnan importante pa sistemanan di escala mas grandi. Adicionalmente, islanan ta rekeri un acercamento hopi special pa motibo di nan economia di scala chikito y condicion socio-cultural. Studentenan cu ta participa na e programa di Aruba Summer School lo gana experiencia den desaroya solucionnan sostenibel contextualiza, den un ambiente multi cultural y interdisciplinario. Studentenan na nivel di Bachelor's y Masters di ASU, UWI y UA, trahando for di un punto di salida multi disciplinario, lo enfoca riba un proyecto independiente cu lo cubri un topico relata na sostenibilidad y aplica pa Aruba. Temanan di e proyecto ta inclui energia renobabel, procesamiento di awa, economianan local y desaroyo comercial, turismo sostenibel y transporte electrico. Studentenan lo prepara un un raport final y lo presenta nan conclusionnan na fin di e programa, durante un simposio na Universidad di Aruba, Juni 5. Pa mas informacion, tuma contacto cu Ruurd Schoolderman, Gerente di Implementacion di Proyecto BRIDGE, na ruurd.schoolderman@tno.nl, telefon (218) 251-6174; of Jan Ebbing, Director CBOT, email jan.ebbing@tno.nl, telefon (297) 5823100.

Un Mainta Diferente

Lyonel Dirksz

Top 95

Tur dialuna pa dibierna di 9or di mainta pa 12or

Un Mainta Diferente
Pa alegra bo mainta cu motivacion, salud, noticia, farandula, humor, musica, hopi premio y topiconan intresante.

Pagina Jan de Ruijter

MIEKE EMAN HEEFT HAAR BROEKJE MOETEN LATEN ZAKKEN EN DAAR STAAT ZE NU "POEDELNAAKT"

HET IS EEN AFSCHUWELIJK GEZICHT

Verleden jaar voelde Mieke zich verkracht door Nederland en nu krijgt zij een KB en een AMvRB in het quadraat !!!!

Cft, Aft, CAft.... wie of wat het ook is, Mieke is stevig aangepakt en heeft haar verdiende loon gekregen!

Nederland en de Koninkrijksregering hebben gesproken.....ze hebben schoon genoeg van het verfoeilijke gedraai van Mike Eman en haar 8 sekteleiden. Mieke kan beweren wat ze wil maar wat Nederland en de Koninkrijksregering hebben afgedwongen is voor de goede lezer nog veel erger en scherper dan een KB en een AMvRB. Het is een AMvRB in een Arubaanse Landsverordening verpakt, nota bene in onze eigen wet!!

De afspraken tussen de regeringen van Aruba en Nederland

Natuurlijk schrijft de verfoeilijke Diaree-ochtendkrant van de beruchte en louche Jossy M. dat Mike Eman iets geweldigs heeft bereikt en dat Mike alle problemen met het lastige Nederland slim heeft opgelost met een zogenoemd samenwerkingsprotocol. Maar de waarheid leest u alleen maar hier in Solo di Pueblo. Wat Nederland en het Koninkrijk hebben gedaan is NOG VEEL ERGER dan een KB en een AMvRB. Dit is een AMvRB die afgeroepen gaat worden in een Arubaanse Landverordening, in onze eigen wet!! Aruba moet een wet maken, de Landsverordening Financieel Toezicht, die in werking treedt en functioneert per 1 augustus 2015! Aruba zal nooit meer kunnen stellen dat Nederland of het Koninkrijk, Aruba iets of iets onredelijks opgedrongen heeft want in het protocol staat heel duidelijk verwoord dat de regering van Aruba zelf verzocht heeft om structureel onafhankelijk financieel toezicht op de openbare financiën en de overheidsuitgaven. Daarbij geeft de regering toe dat zij zelf de gerezen financiële problemen NIET kan oplossen, en dat de regering van Aruba, Nederland gevraagd heeft Aruba hierin te ondersteunen. Aruba verzoekt Nederland verder nog om technische bijstand op het gebied van de belastingdienst, douane,

wetgeving en financieel beheer op kosten van de verzoeker, Land Aruba, en Aruba tekent ervoor dat de maatregelen van het Cft zoals een solidariteitsbelasting en de stop op de automatische indexeringen nog in het lopende jaar 2015 worden geïmplementeerd!!

1 augustus 2015

Op 1 augustus 2015 moet het College Aruba financieel toezicht functioneren en moet de Landsverordening financieel toezicht in werking treden. De overheidsuitgaven staan daarmee onder toezicht en de wens van de regering van Mieke Eman om dit alles even op te lossen door middel van hun zo geroemde Balanced Budget en een plafond op hun uitgaven is overboord gegooid. Er is NIETS overgebleven van Mike Eman's plafond op de uitgaven. De uitgaven mogen NIET hoger zijn dan de inkomsten ook bij tegenvallende inkomsten. Dus mooie spelletjes spelen met veel te hoog voorspelde inkomsten mag Mieke Eman ook al niet. Goh, wat is Nederland toch streng, alle spelletjes van Mieke zijn vanaf nu verboden. Mieke moest haar rokje en broekje laten zakken en heeft op haar blote billetjes een heel hard pak slaag gekregen! Maar Mieke kan NOOIT meer klagen want Mieke heeft er zelf in het protocol voor getekend dat zij zelf om de maatregelen van Nederland en het pak slaag heeft verzocht!! Nederland en het Koninkrijk hebben het schaakspel uitstekend gespeeld! Wat dacht Mieke Eman dan ook; dat ZIJ het Koninkrijk en Nederland eventjes kon bedriegen met verdraaide, frauduleuse cijfers en nooit nagekomen beloftes?

Mieke's verkrachting en hongerstaking Mieke's verwarde en absurde hongerstaking en 1 jaar lang tegenpruttelen hebben NIETS geholpen. Mieke Eman is in één klap kapotgeslagen, een knock-out fulminante!! Aruba is in één klap haar zelfstandigheid op financieel gebied kwijtgeraakt en Aruba heeft haar Status Aparte verloren precies zoals ik verleden jaar reeds in Solo di

Pueblo voorspelde en publiceerde in een overlijdensbericht van Land Aruba. Land Aruba bestaat niet meer dankzij die vreemde, oh zo zieke Mieke Eman. En zo moet zij Aruba's geschiedenisboeken ingaan; Mieke Eman van Hero to Zero in één dag op zaterdag 2 mei 2015.

Het debat in het parlement over de begroting 2015

Deze dagen wordt in het Arubaanse parlement van 's morgens 8.00 uur tot 's nachts laat vergaderd over de reeds ingediende begroting 2015. Stop toch met die kermis en die poppenkast! Er staat heel duidelijk in dit nieuwe protocol dat de Cft-maatregelen verwerkt moeten worden in die begroting, dus AVP-regering ga eerst je nieuwe strafwerk afmaken, trek je terug in je hoekje en maak je strafwerk klaar en wat mij betreft..... mijn gezond verstand zegt me dat de oppositiepartijen MEP en PDR deze poppenkast helemaal niet hoeven bij te wonen. Ik was allang weggelopen; deze begroting die nu op tafel ligt wordt toch goedgekeurd door de 13 AVP-parlementariërs en daarna afgekeurd door de Gouverneur, de Koninkrijksregering en door Nederland. Elk uur daaraan besteed is een verloren uur!

*En wat dan? Waarom heeft Nederland dit zo gespeeld? Wat moeten oppositiepartijen MEP en PDR nu doen? Lees Solo di Pueblo van morgenochtend!

Wordt vervolgd

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500



Den Corte di Prome Instancia lo aparece riba dia 8 di Mei 2015



Pa 8:30 am: L.M.J. ta wordo acusa di, conhuntamente cu un otro of otro nan y cu e intencion pa tuma bida di un persona, a hinca e persona aki intencionalmente varios biaha cu un cuchiu den barica riba 19 Oktober 2014.

Pa 9:30 am: A.S.E.E. ta wordo acusa di posesion di arma di candela riba 23 di November 2014.

Pa 10:30 am: I.S.L. ta wordo acusa di posesion di un arma y balanan riba 28 di November 2014.

E ta wordo acusa di, conhuntamente cu un otro of otro nan, ladroncia den un cas na Moko di paña y/of holoshi(nan) y/of celular(nan) y/of camera(nan) y mas propiedadnan di un persona riba 21 di November 2014. E ta wordo acusa di, conhuntamente cu un otro of otro nan, ladroncia den un cas na Nuñe di tas(nan) y/of un laptop y mas pertenencianan di un persona den e periodo di 28 pa 29 di November 2014. L. ta wordo acusa di a intencionalmente destrui windshield di un auto riba 9 di November 2014. E ta wordo acusa di a haci su necesidad riba caminda publico durante Jouvert Morning riba prome di Maart 2014. E ta wordo acusa di, conhuntamente cu un otro of otro nan, a maltrata un hende den Blenchistraat riba 27 di Februari 2014, door di dal e varios biaha cu mokete na su cabez. E ta wordo acusa di a intencionalmente destrui bentana(nanan) riba 27 di Februari 2014.

Jo-Anne Arends di Aruba Airport Authority

Tin desaroyo interesante pa Aruba den industria di aviacion



Aruba Airport Authority a duna un resumen di cifranan di aviacion di aña 2014 durante nan presentacion den ATCA 2015, unda partnernan di turismo local ta reuni y negocia cu tour operators y otro partnernan clave di e mercado Norte Americano. A probecha di informa participantenan di e ultimo desaroyonan tumando lugar na Aeropuerto Internacional Reina Beatrix. Jo-Anne Arends, gerente di e departamento di "Airline Marketing" na Aruba Airport Authority a anuncia e record fabuloso den industria di aviacion pa nos isla. El'a expresa cu ATCA ta ofrece un plataforma perfecto pa comunica cu tour operators y otro instancianan cu ta bende e productonan y servicionan ofreci na nos isla. Y aki ta enfoca riba tur e proyectonan tumando lugar na nos Aeropuerto. Aeropuerto Internacional Reina Beatrix a procesa 2.528.377 pasahero aña pasa, cu a encera 1.195.379 bishitante, di cual 697.409 tabata di e mercado Norte Americano, esta Merca y Canada. No solamente aeropuerto a conoce un crecimiento den e categoria di cantidad di bishitante (9.1% general

y 8.0% pa e mercado Mericano/Canades), pero tambe a nota un aumento den cantidad di stoelnan disponibel for di e mercado di Merca, esta di 6.5%. E total di stoel disponibel tabata di 819.443 den aña 2014. Aeropuerto a repasa e cifranan di e prome kwartaal di aña 2015, indicando un crecimiento caba di 14% pa e mercado Mericano y 21% esun Canades, compara cu e prome kwartaal di aña pasa. E capacidad di stoel disponibel pa e periodo di zomer pa e mercado Norte Americano lo conoce un aumento di 12%, un averahe di 50 mil stoel adicional. A enfoca riba cifranan di henter Caribe y cu Aruba ta surpasa e porcentahe promedio di tur destinacion hunto, cu pa zomer ta un aumento di 2.7%.

"Cada aerolinea riba nan mes tabata tin nan diferente desaroyonan p e aña aki. Por analiza United Airlines cu a desaroya, cu ta poniendo mas vuelo, cantidad di vuelo for di destinacionnan manera Washington y Chicago, pero especialmente Houston, cu ta un destinacion cu Southwest tambe lo bay opera", asina Jo-Anne Arends a splica. "Mi ta kere cu

esaki ta un destinacion hopi importante pa Aruba y tambe ta corela cu e strategia cu nos tin pa cu e mercado di Merca, pa sigui desaroya e parti west di Merca". Aruba Airport Authority ta notando desaroyonan interesante pa Aruba. American Airlines ta mantene su tres vuelonan diario for di Miami y Delta tin vuelo directo tur dia pa un di e mercadonan primario pa Aruba, esta New York (JFK). Ademas, aerolineanan local ta pasando den desaroyonan beneficioso ofreciendo mas conexion cu diferente destinacion. Insel Air Aruba ta ofrece vuelonan diario pa Miami y awor lo habri e mercadonan di San Juan, Puerto Rico y La Havana, Cuba. Aruba Airlines lo start cu vuelonan pa Miami proximamente. "Nos ta orguyoso di por ta parti di ATCA 2015 y hunto cu nos partnernan sigui traha na beneficio di turismo. Aruba Airport Authority ta keda e prome y ultimo impresion di e bishitante y nos mester trata tur posibel pa haci di esaki e impresion mas special di cual e turista lo comprende e esencia cu Aruba lo haya nan falta", asina Jo-Anne Arends a termina bisando.

 **Santa Cruz
BARBERSHOP**
Mon-Fri: 8AM-9PM • Sun: 9AM-6PM
T1.600-6673 • T2.592-1880

**PUEBLO A HAÑA SU
PEN BEK**
 **Pa kualkier informacion
solodipueblo@gmail.com
of
585-9500**

Durante e Beauty and Health Expo 2015:

Un cantidad grandi di persona a inscribi pa bira donante



Stichting Bloedbank Aruba (SBA) tabata tin e oportunidad di participa na e Beauty and Health Expo 2015. SBA sigur ta contento di por a participa ya cu danki na e oportunidad aki 173 persona a inscribi pa bira donante. Durante e aña 2014 SBA a cuminsa cu "The Traveling Blood Bag Stand", unda cu e stand aki a pasa door di varios organizacion na Aruba y asina recluta donante pa a yega na e meta di donante nobo pa 2014. E aña aki SBA ta pone un meta nobo y nan ta sigur cu e comunidad di Aruba lo contribui un biaha mas. Durante e Beauty and Health Expo 2015, e "Traveling Blood Bag Stand" tabata presente y manera informa anteriormente e resultado tabata exitoso. Hopi persona a inscribi y ya caba SBA ta tumando contacto cu e posibel donantenan. SBA kier haci uso di e oportunidad aki pa gradici tur e personanan cu a inscribi durante e Beauty and Health Expo 2015. SBA ta pidi di antemano comprension na tur persona cu a inscribi pa e tardanza cu lo bay tin pa motibo di e cantidad grandi di inscripcion. Naturalmente SBA ta hopi gradici, y tur hende lo wordo yama. Alavez SBA kier gradici e voluntarionan cu tabata presente y cu a aporta na e actividad exitoso aki. Por Ultimo SBA ta gradici señor Martijn Balkenstijn, señora Diza Arends-Diaz, señor Oswald Tromp, señorita Emmely Brete, señor Roberto (Boedoem) Brown y señor Roberto Richardson pa ta e imagen di SBA durante e Beauty and Health Expo 2015 y demonstra e hecho cu tur hende por bira un donante. Cada Gota, Ta Conta.

Pa mas informacion tocante Stichting Bloedbank Aruba of pa bira donante por bishita nan website: www.bloodbankaruba.aw, facebook pagina of yama 5870002.



RIFA DI AUTO!
GANA UN AUTO
PA DIA DI MAMA



9:00AM - 1:00 PM
BENDEMENTO DI DUSHI BOLO

5 PM-9 PM
NOW AND THEN
Tsunami

FELIS DIA DI MAMA!

9 DI MEI 2015 GANA UN HYUNDAI EON 2015
BUSCA BO TICKET SERCA TUR CANDIDATO Y PRESIDENTENAN DI MEP
OF SERCA RICKY CROES NA CAFE LA FAMILIA, BANDA DI CEDE DI MEP

DIA DIASABRA, 9 DI MEI 2015
LUGAR CEDE MEP, STA. CRUZ

PRIJS PA TICKET AFL. 5,00

f /MEPofficial
WWW.MEP.AW

mep

PUEBLO A HAÑA SU
PEN BEK



Pa kualkier informacion
solodipueblo@gmail.com
of
☎ 585-9500

glitz
casino

Mother's Day

Saturday May 9th | Double Bingo
BUY 2 & GET 1 FREE
Bingo \$10 **Starts 11:30 AM**
snacks - drinks and door prizes

Sunday May 10th | Mother's Day
Bingo Bongo Bonus
Bingo \$10 **Starts 01:00 PM**
Special Gifts for the first 100 mom's
"Mariachi Perla Di Aruba"
snacks - drinks and door prizes

For more information call us at: 587-3399 **facebook**

Located at:
LA CABANA
beach resort and casino

WhatsApp | 600 -2779
Call | 587-3399

JALAPEÑO
FRESCO



SPICY CHICKEN **SPICY BURGER**

Wendy's

f FACEBOOK.COM/WENDYSARUBA

Solo Local.....

Rudy Richardson di MEP:

Parlamentario Lorna Varlack ta dividi nos pueblo

Cu hopi asombro nos por a scucha e desertacion di Parlamentario Lorna Varlack cu e no kier esnan di partido MEP na San Nicolas. E señora aki a perde tur nocion di realidad. Aruba ta un pais unda tur hende ta convivi cu otro. Nos a logra un integracion social cu no ta existi na varios pais, hasta den e region aki mes. Tin varios forma cu e ser humano por inventa pa discrimina otro. Pero un di esun pior ta segregación. Nos por waak esaki y e daño cu el'a ocasiona na Sur Africa cu Nelson Mandela a lucha full su bida pa stop y tambe MLK na Merca. Awor sra. Varlack kier aplica e sistema aki na Aruba. Mi a tuma nota cu su lider politico di su partido AVP ta keto bay den e pueblo di Santa Cruz. Nos di MEP ta kere den un solo Aruba, tur politico por drenta cualkier barrio of district;

ta keda na e ciudadano pa duna nan apoyo sea social, cultural, comercial of politico.

Cu expresiònnan asina nos mester bay bek den historia ora cu partido AVP tabata yama cierto ciudadano di origen Afro, palabranan menos bonita. Ora bo ta kere cu nos ta madura den pensamiento, ta sali expresiònnan asina, anto di un Parlamentario. Mester condena esaki pasobra nos kier un Aruba unda tur hende ta wordo respeta sin excepciòn di nan raza, credo, religiòn of origen. Movimiento Electoral di Pueblo ta un partido politico cu ideologia Social - democrata anto nos stima tur hende igual. Nos ta spera cu sra. Varlack cambia su mentalidad primitivo y stop di dividi nos digno pueblo di Aruba!

Ady Thijsen riba protocol di dia 2 di Mei:

Pueblo ta bruha den loke ta pasando

Segùn parlamentario Ady Thijsen referente na e protocol firma entre Aruba y Hulanda, el'a comenta cu ta wordo manipula hopi cu informacion. Pueblo ta wordo Bruha. Nan a firma un protocol pero kico e ta. E parlamentario a sigui e desaroyo aki for di 2005 te cu awor pa loke ta e cambio constitucional cu tabata tin den Reino Hulandes. Na aña 1986 ora Aruba a haya su Status Aparte, tabata tin 2 pais autonomo. Ora Aruba a haya su Status Aparte, Aruba tabata tin e autonomia financiero, pero ningun di e debenan di Aruba a wordo paga. E otro cambio grandi cu a tuma lugar den reino a tuma lugar na 2010 ora cu Corsou y St. Maarten a haya nan Status autonomo pero den esaki nan debe si a wordo full paga pero

tin un verschil. Nan a cuminsa un gobierno nobo. Dus land Curaçao y land St. Maarten. Hulanda y gobierno a falta un respet pa pueblo di Aruba pasobra nan ta purba di bruha e pueblo di e berdad cu ta riba mesa. E berdad ta cu den 28 aña tabata tin un maneho financiero sano. Na 2014 a yega asina leu cu a yega na un KB. Esaki ta e cuminzamento di con e protocol a inicia, dus e ora nan ta haci manera Aruba tabata den e mes un posicion cu Corsou cu St. Maarten, ora cu nan a cuminsa bek na 0. Den e caso di Aruba esaki a tuma lugar, caminda cu Hulanda a grijp in. Esaki Hulanda mester pone duidelijk y wordo acepta, e parlamentario a remarca.



NEWS ON

NEWS ALERT

'Boletin Extra den bo celular'

Keda informa di loke sosede

Abona ta gratis

Manda un sms na:
 Setar - 9595 - Skirbi - News on
 Digicel - 5555 - Skirbi - News on

Trekkingslijst van de Landsloterij

10de Trekking op 07 Mei 2015
 Waarvan proces-verbaal was opgemaakt
 en ondertekend door C.Antonita namens de
 Procureur-Generaal, de getuigen en de
 directeur van de Landsloterij.

Dr. E.J.M. Poulina

Getuigen:
 S. Puriel
 A. Zijlstra

Landsloterij

www.landsloterij.org

1ste Prijs	
1163	2,000
1164	200,000
1165	2,000

2de Prijs	
17034	1,500
17035	40,000
17036	1,500

3de Prijs	
3832	1,250
3833	20,000
3834	1,250

UREN VAN UITBETALING:

CURAÇAO : 8.00 - 15.00 (maandag t/m vrijdag)
 Tel: 462-4088

ARUBA

Oranjestad : 8.00 - 12.00 en 13.30 - 16.30
 Tel: (002975) 824784

San Nicolaas : 8.30 - 16.00 (maandag t/m vrijdag)
 Tel: (002975) 845200

BONAIRE : Maandag t/m met vrijdag
 8 tot 11 uur voormiddag
 1 tot 3 uur namiddag
 Tel: (0717) 7047


ST. MAARTEN : 7.15 - 12.30
 Tel: 0017215424536

BABA : s.p.bellen
 Tel: 0017215228538

ST. EUSTATIUS : 0318-2236, 0318-2640
 FAX 0318-4051

Solo Local.....

Campeonato Arubano di Landamento Sincroniza 23 y 24 di Mei 2015



Ariba 23 y 24 di Mei proximo AZB lo organisa e Campeonato Nacional mas grandi di aña pa Landamento Sincroniza. E anja aki atrobe lo tin un toke internacional, ya cu un club di nos hermanaisla Corsou lo bin participa. Durante e campeonato aki nos atletanan cu apenas a cuminsa na luna di September 2014 cu e deporte aki, esta e "Beginners", tambe lo participa y duna un demostracion di locual nan a siña caba durante e aña.

E apertura oficial lo tuma lugar diasabra 23 di Mei pa 6 pm, na piscina Olimpico, Roli Bisslick, na unda despues lo cuminsa e competencia di e rutina "Solo" den e categoria Beginners, 12 aña y menos, y 13-15.

Diadomingo 24 di Mei pa 10 or di mainta e ekipo di Aruba lo cuminsa cu e rutina di "Duet", sigui pa e competencia di "Teams". Como presentacion special lo tin e ekipo Senior, cual actualmente ta den pleno preparacion pa Weganan

PanAmericano. Nan lo landa dos rutina ariba diadomingo mainta.

E equipo Senior, y tambe e Duet Senior, lo tin nan Campaonato Nacional ariba diasabra 13 di Juni, pa motibo cu algun di e atletanan ainda ta den exterior.

Pueblo di Aruba ta cordialmente invita pa bin disfruta di e bunita deporte aki! Pa mas informacion por sigui nos ariba Facebook!

Cake Sale



PA DIA DI
MAMA
 Diasabra 9 di mei
 Na Club Estrella, Sta Cruz
 Cuminsando for di 9.30 di mainta

YOUTH BASKETBALL TEAM

Solo Local.....

Ciclista a pone chauffeur yora, despues cu esaki a bay pase y lage cay

Diahuebs mainta a drenta informacion di un accidente entre un auto y un ciclista dilanti di Hong Kong na Paradera.

Mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un auto



bayendo direccion pabao a bay pasa un ciclista y a bira na man drechi dal e ciclista benta abao. E ciclista a rabia pa e hecho

aki a bay riba e chauffeur y a stoot esaki pa hala su atencion di golpi y rascanan ricibi fuera di e molester. E ciclista no

tabata desea di haya atencion di ambulance. E chauffeur di e auto tabata na yoramento.

Boso ta keda cordialmente invita pa bin admira Florita Boekhoudt su bunita areglonan di flor cualnan lo ta un bunita regalo pa mama. Tambe lo bay tin bunita accesorionan, sapato, tas, perfume y panja cu Mama lo aprecia masha hopi mes.

Lo bay tin live entertainment di DJ Master y tambe lo bay tin nos dushi caha di orgel "Dulces Recuerdos".

Fecha: 5 di mei te cu 10 di mei 2015

Ora : 1or-7or

Lugar: Macuarima 24A

Happy Mothers Day



Yama: 600-0641 y traha bo citatiii

Simplemente un Adaptacion cu lo costa Afis: 250,= p/Unit

Of bo Placa Bekiii

Inverter Split Unit cu 50-55% "GARANTISA"

Uso di Corriente di Aircó Standard Split Unit of

Ata aki bo Solucion "GARANTISA" pa baha bo

Bo no tin placa pa compra Aircó INVERTER?

HALTO!!!!

Bo recibo di corriente ta saliendo demasiado

Split Unit Sprinkler System Saver Aruba

S-U-S-S-A

Solo Local.....

Edulys Leon di Funstacle Masters a haci entrega di un suma substancial na **Dr. Guaicaipuro Jimenez di Aruba** **Taekwondo Bond.**

Siman pasa Edulys Leon di Funstacle Master a haci entrega di 4 mil Florin

na e presidente di ARTBO Dr. Guaicaipuro Jimenez. E aña aki tabata tin e

Funstacle Masters na unda cu lo a recauda fondo pa Aruba Taekwondo Bond pa

asina contribui na deporte y pa deporte. E aña aki Taekwondo tabata na

turno pa haya un cachi cachi cu a wordo recauda for di Funstacle Masters.

Dr. Guaicaipuro Jimenez kende ta e presidente di ARTBO a keda sorprendi

pa

haya fondo di un otro instancia pa asina usa e donacion aki pa Taekwondo.

Dr. Guaicaipuro Jimenez a keda masha contento cu e donacion aki y esaki a

wordo entrega na e tesorero Harold Helder. ARTBO lo reuni e siman aki pa

informa tur e miembronan tocante di e donacion aki y pa mira den cua post

por haci uso di e donacion aki. Taekwondo tin masha hopi cos pa haci, pero

tur cos ta sigun e placa y e



plan cu tin. Awor tin algun atleta cu ta

preparando pa Canada, mientras cu tin algun cu ta preparando pa Surinam,

Korea, Costa Rica y Orlando. Ademá di e biahenan aki cu tin

pendiente,

ARTBO tin mester di mas material pa e seleccion.

Di parti di ARTBO masha danki un biaha mas pa e bon gesto aki.



SUPER SHOPPING

OOSTSTRAAT # 5 TEL: 5822818 HABRI TUR DIA NON STOP 9:00 TE 6:30

DIA DI MAMA SUPER SPECIAL 5 DIA SO....

NOS ARICIBI UN COLLECTION NOBO DI SAPATO DI MUCHA PA RICIBIMENTO.....

35%

ARIBA TUR PAÑA DI DAMAS
ARIBA TUR COS DI CAS Y CUSHINA
ARIBA TURTAPIJT MATS DI BAÑO / CAS
ARIBA TUR CORTINADI SALA / CAMBER / BAÑO
ARIBA TUR COMFORTER / COMFORTER SETS
ARIBA TUR REGALO PA MOTHERS DAY SPECIAL

20%

ARIBA TUR PLASTIC WARE/ CURTAIN RODS
PLASTIC FURNITURE / MUEBLES / PRESSURE COOKERS

NOS A RICIBI HOPI MERCANSIA NOBO DI FROZEN / ARTICULO PA FIESTA
CABEI FALSO 100% HUMAN HAIR/ ACCESSORIES / ELECTRONICS/ APPLIANCES
SELFIE STICK CU BLUETOOTH / SIN BLUETOOTH / HEADPHONES / HAIR GROOMING MACHINE

**Con pa
abona na
Solo di
Pueblo?
Facil...**

**Yama nos
oficina na
585-9500
y nos lo
entrega
bo corant
tur mainta
tempran den
bo porta di
cas.**

**Costo di
Abono: Afl.
35.00 pa
luna**

Ta busca

Security Guard
Masculino, edad entre
25-50 aña
Mester tin Mavo
diploma o enseñanza
equivalente
Mester por papia y scirbi
Papiamento, Hulandes
Ingles Spaño. Mester
tin propio transporte.
Interesadonan por yama
oficina entre 08:00 –
16:00 pa un cita
TEL 588-3677

**Tip line
7380101
solo di
pueblo @
gmail.com**

Solo Local.....

Minister dr. Alex Schwengle:

Pa por existi calidad mester inverti placa, tempo y esfuerzo

Na apertura di Siman di Enfermeria

Diarazon mainta Minister di Salubridad dr. Alex Schwengle a participa na a apertura di Siman di Enfermeria, un celebracion cu a wordo decreta oficial cuater aña pasa door di Gobierno. E mandatario, kende como especialista medico a traha pa hopi aña di cerca cu enfermeronan tanto na Hulanda como Aruba, a splica den su discurso cu ta cu frecuencia den transcurso di tur su añanan

di estudio y su carera medico e por a depende riba enfermeronan pa nan asistencia y hasta guia.

Minister Schwengle a habri su discurso cu palabranan di felicitacion na tur enfermero na Aruba, tanto esunnan cu ta traha na Dr. Horacio E. Oduber Hospitaal, como esunnan cu ta traha na SABA y otro instancianan di cuida den nos comunidad.

El a splica cu no ta un

milager cu tanto Hospital como e Minister encarga cu salud publico ta pone enfoca semper riba enfermeria, pero e ta pasobra cu e rol di e profesionalnan cu ta duna "servicio na cama" di e pashent ta clave den e team di cuida. "E ta un team," el a subraya, refiriendo na e dokter y enfermeronan, hunto cu tur otro profesional trahando den hospital, for di techniconan pa personal di limpieza, maneho y directornan.

Pa existi calidad calidad for di e nursenan, Minister Schwengle a bisa, di parti di tur esunnan involvi mester bin inversionnan den e profesion. E inversionnan aki no ta encera solamente placa, pero mas bien tambe tempo y esfuerzo den educacion pa e ekipo cu ta traha den hospital.

Minister Schwengle tin pleno confianza den e Raad van Bestuur y Raad van Toezicht cu nan lo sigui cu e empeño pa encurasha y stimula e progreso di e enfermeria. E titular di salud publico a añadi cu di su banda tambe, di banda di Gobierno mester percura pa no corta di mas y pa tin suficiente fondo disponibel. El a subraya tambe e importancia di e compromiso cu cuida di parti di Parlamento, cu nan no ta existi so den nomber di pueblo, pero tambe ora bin peticion pa fondo esaki wordo aproba tambe.

Minister Schwengle a expresa cu e organizacion di enfermeronan, esta ODEA tambe mester haya mas atencion como e instancia cu ta enfoca riba calidad di e ofishi di nurse, pasobra e mes cu a haci un estudio largo pa bira dokter ta duna credito na nursenan, cu un parti



di loke e por awendia e tin di gradici na nursenan cu el a topa den su estudio y carera como dokter.

Minister dr. Alex Schwengle a splica cu circunstancianan ta hopi diferente awendia compara cu ora e mes a cuminsa traha. Ora el a cuminsa traha pa prome biaha na Eerste Hulp, no tabata existi e situacion di guia di otro dokter y despues di dos dia ya e mester a traha su so. "Dialuna bo ta para bo so cu bo nursenan," el a bisa, subrayando cu e tempo ey e nursenan mes tabata "casi dokter", algo

cu por cierto ta e caso awendia ainda.

El a conclui bisando cu e ta hopi agradecido pa nan guia, el a siña hopi di e nursenan, incluyendo di su casa kende tambe ta un nurse, particularmente cu e mester laga stress un banda y concentra riba e cliente, dedica tempo na e pashent, combersa cu e pashent y duna pashentnan un bon splicacion di nan condicion di salud.

Minister dr. Alex Schwengle ta desea tur enfermero un siman productivo y di hopi union.




*Mmmmm esta dushi.
Bini un bini tur
na nos dushi
Koffiemorgen cu ta bay tin
riba e dia aki,
combina cu un Mercado di
Purga chikito*

**Lugar: Casa Cuna
Fecha: 9 Mei 2015
Ora: 9:00am—1:00pm**

*Caarchi pa baki bolo Afls5,-
Por yama na 585-7177 Casa Cuna*

NOS TA WARDA BOSO

casa cura progreso

Solo Local.....

Chauffeur di SUV a dal contra pick up despues di maniobra foi sla

Diamars atardi a drenta informacion di un accidente den Kamerlingh Onnesstraat na Solito. Mesora a dirigi un patruya na e sitio. Na yegada di e patruya a bin compronde cu e chauffeur di e SUV berde a bay hala na man

robez pa bay drenta un cura na man drechi pero net na e momentonan ey tabata bin un pick-up su tras cu a bay sigui straight y nan dos a dal den otro. Afortunadamente ningun hende a resulta herida.



Brake di auto di polis a faya y a drenta den mondi



Diarazon atardi a drenta informacion di un accidente cu hende herida den Franse Pas. Mesora a dirigi tanto polis como ambulance na e sitio. Na yegada di e patruya a bin

encontra cu nan mesun coleganan den un auto di dienst cu a accidenta y a drenta mondi cu e patruya. Ta asina cu e brake a faya y nan a accidenta. Tanto e oficial femenino

como masculino a resulta herida. Na yegada di e ambulance nan a atende e victimanan y a transporta nan pa hospital.

Boca na Palabra

Top 95

Elvis Weert



Tur merdia di 1.30 pa 2.15pm

Boca na Palabra.. unda pueblo ta opina

Solo Local.....

Tropical Bottling Company y Balashi ta anuncia

Resultadonan di e prome weekend di Copa Noord

Durante di e prome fin di siman di e gran evento anual di softball, esta Copa Noord na Veld di Kudawecha tabatin bastante fanatico presente y e ekiponan tabata hopi anima pa cuminza e temporada di torneo aki.

E resultado di e prome

weganan ta cu dia 30 di April, ekipo di Royal Power a gana cu un score di 1-0 for di Tanki Leendert Giants y Super Plus a gana 8-1 for di Montaña Braves. Riba dia 1 di Mei, celebrando Dia di Obrero, e ekipo di Mariners a gana for di Tanki Leendert Giants cu

e score di 4-5; Redskins a gana di Montaña Braves cu un score di 0-7 y Super Plus 40 a gana for di Boegoeroei 40 cu un score di 0-7. Riba e di tres dia di e torneo, esta dia 2 di mei, Tanki Leendert Giants 40 a gana for di Boegoeroei ATL 40 cu un score di 7-0; Super Plus 40 a gana for


di Kudawecha Indians 40 cu 18-5 y Kudawecha Redskins a gana for di Badboys cu un score di 9-3.

E weekend largo di weganan di softball hopi anima a caba riba dia 3 di Mei cu Kudawecha Indians ganando cu un score di

11-4 for di Boegoeroei ATL; Calabas a gana for di Bad Boys cu un score di 5-13; Royal Power vs Mariners a caba cu un score preta di 11-12; e wegá di Tanki Leendert Giants 40 y Kudawecha Indians 40 a wordo gana cu un score di 7-0 pa Giants.



Solo Local.....



PAROKIA SAN JUAN PABLO II, TANKI LEENDERT, ARUBA

Tanki Leendert 279. Tel: 587-
9767 Email: parokiaTL@yahoo.
com

Programa celebracion prome aniversario di Parokia San Juan Pablo II

Dialuna, 18 mei 2015

**Santo Sacrificio di Misa den bario:
(7.00 pm)**

Famia Jacobs na Tanki Flip 20-A

Diamars, 19 mei 2015

Rosario (6.30 pm)

saliendo for di cas di famia Trimon-
Figaroa, Tanki Flip 38-A, pa misa y
despues sigui pa **Santa Sacrificio di
Misa (7.00 pm)**

Diaranson, 20 mei 2015

**Santo Sacrificio di Misa den bario:
(7.00 pm)**

Famia Lee, Catiri 5-C

Diahuebs, 21 mei 2015

Santo Sacrificio di Misa (6.30 pm)

Specialmente pa muchanan cu a haci of
ta bay haci nan
prome Santa Comunión

Diabierna, 22 mei 2015

**Santo Sacrificio di Misa den bario:
(7.00 pm)**

Famia Boekhoudt, Tanki Leendert 247-A

Diasabra, 23 mei 2015

**Santo Sacrificio di Misa (6.00 pm) na
Spaño**

Diadomingo, 24 mei 2015

Santo Sacrificio di Misa (9.00 am)

Celebracion di e prome aniversario di
parokia San Juan Pablo II y sigui despues
cu un brindis pa tur presente.

"Dios rico den misericordia drama bo bendicion
ariba nos" (Juan Pablo II).

Un Mama no ta tur mama

Un Mama no ta tur
mama

Ora tur mama kier
ta un mama

Pa su yiu of yiunan
cu of sin dolor di
parto

Un Mama ta un
mama

Cu su amor
incondicional

Cu lagrimanan cu
no tin su igual



Un Mama no ta manera tur mama

Ora tur mama ta bira un mama

Cu crecemento hunto cu su yiu na un manera unico y special

Un Mama ta un mama

Hasta pa un chikitin straño cu por ta perdi

Of un teenager den su mes scondi

Den braza di un mama, manera tur mama

Na su pecho bon primi

Un mama, ta un regalo den tempo cu bo tin

Un Mama no ta tur mama

Pero ta bira mas mama

Den su profesion di educador y formador

Un Mama no ta tur Mama

Pero ta bira mas mama

Cu su bon ehempelnan, su ternura y amor

Hasta ami, tabata un mama

Pa mi scoutnan chikito bevernan hopi aña pasa

Despues cu mi yiunan a bay Hulanda sigui studia y resulta
casa

Ta Dios mes den cada curazon di mama ta bendiciona

Ta Dios mes den cada mente di mama ta sigui enfrenta

Ta Dios mes, den
cada bunita alma di
Mama ta ilumina

Ora un mama no
ta tur mama, pero
tur mama manera
Mama Maria ta UN..

Ruthy "Lady Ruth"
Vrieswijk-Bergen
Dia di Mama, Mei
2015 Aruba.



Solo Local.....

NOS DUSHI BON BINI FESTIVAL CARA Y CURAZON DI ARUBA

Skirbi pa Ruthy "Lady Ruth" Vrieswijk-Bergen

Shonnan, Arubata di fiesta den su humilde curazon cu e festival criollo, e festival puro, e festival dushi Bon Bini Festival cu su 30 aña di existencia e luna festivo di Mei aki, e luna cu nos ta dedica na nos mamnan riba nan dia. Un festival di kita sombre cu nos dushi hendenan humilde pero talentoso y dushi di curazon, compartiendo cu nos turistanan y tur cu ta bin bishita nos isla, nos pais Aruba. Gobierno ta bin, gobierno ta bay, es decir, aunke otro gobierno sa bin na mando, e Bon Bini Festival aki ta nos baranca tan stima, ta uni nos, ta identifica nos cu gruponan varia di baile, musica y ultimamente tambe poesianan bunita cu amor grandi pa nos dushi isla. Ora un cos ta bon, ta bon e ta. Turistanan no ta bin pawak profesionalnan solamente actua y baila, pero pa disfruta di nos hendenan amabel cariñoso humilde cu nan talentonan dushi cu sonrisa bunita riba nan cara. Un plumpje y schouderklopje pa henter e team trahador di Bon Bini, for di nos tremendo departamento di cultura, bau e maneho incansabel di sr. Siegfried Dumfries y staff y personal di hendenan cu pasion pa nos cultura, trahando cu alma y curpa na bienestar

di nos cultura. Ki dushi y bunita ta pa para riba e stage y recita poemanan tocante nos amor grandi pa Aruba y sinti e wowonan te den bo curazon, colga na bo lipnan pa sigui scucha e palabranan poetico cu melodianan di amor y pasion pa nos Aruba dushi tera. Un cushina cu su pastechi y cumindanan criollo hopi dushi mes y na prijsnan excelente. Ki dushi nos caha di orgel ta zona bau di un shelo tur na strea cu biento fresco suplando como caricia inspirabo pa mas. Nos gruponan tipico folklórico, ayayay !!!! Gruponan di baile for di tur skina cu bunita oportunidad pa luci cu nan bailenan den nan costumnan sumamente bunita y elegante !!!! Bon Bini Festival si a bini pa keda, cu su prome 30 añanan tras di lomba, un lomba fuerte di hendenan homber y muher balente cu curazon original pa nos dushi cultura. Tempo di mc Juby Naar a bay bon y awor cu Ryan Maduro ta bay mihor cu su fantastico Ingles, fantastico splicacion di nos historia y nos idioma, nos dera gay etec....Uffffff!!!! Mi ta kere cu tur gobierno cu a sinta por para awe y

duna nos Bon Bini Festival un standing ovation, pasobra esnan cu a traha pe, soda pe y kere den dje ta nos mesun dushi hendenan di dept. di cultura. Lady Ruth tambe sa cu tin biaha cambionan por nifica algo mas, pero mayoria sa tambe, cu ora un cos ta bon, ta bon e ta y no mester di cambionan drastico at all. Un sistema di sonido A 1, tremendo, ningun gap, e unico gap ta ora e turistanan ta haya 2 seconde pa lanta for di nan stoel pa baila riba e dushi ritmo di carnaval of nos dushi tumba, canta pa Quincy Hasham of Robert Maduro cu si sa con pa trece dushi ambiente !!!! Ta hendenan cu asina hopi amor pa nos cultura so por a wanta 30 aña, y cla pa mas !!!! Mescos cu e tram, e trein di Bon Bini ta e energia dushi positivo den fort Zoutman, un lugar dushi pa un festival dushi. Yuinan of nietonan, invita y hiba boso mamnan y of welanan maske ta un biaha na nos tremendo Bon Bini Festival pa



nan tambe sinti e dushi ambiente di nos cultura. Braza nan hopi riba dia di Mama y bolbe bisanan cuanto boso ta stima nan !!!! God bless! Mamnan, pasa un dushi dia di Mama

!!!!Yiunan corda respeta boso mama y tata tur dia pa boso bida ta bon y yen di bendicion. Mama ta e curazon di e famia tur dia yen di alegriaa !!!

BACKHOE & BOBCAT SERVICES
Lanta sushi, rosa tereno, Coba pos
pa fundeshi, santo y piedra
Pa mas info yama 593-5050 of 592-1116

Ta busca pa huur
Un apartamento comodo pa un pareha serio
Pa mas informacion yama 6416051

santa cruz carwash

SITUA DILANTI DILANTI DUSHI LIMPI LAUNDRY
RIBA CAMINDA GRANDI DI SANTA CRUZ

**Tur auto ta wordo laba pa
Afl.30,- sooooo!!!**

Laba paden + pafor.
(Oferta pa tempo limita)

Habri tur dia NONSTOP 8.30AM - 5.30PM
Pa mas info. por yama: 745-2682 of djis drop in.

Ta bende

BBQ GRILL TIPO CILINDER pa 250,- fls
Tipo cilinder mediano 200 fls. tur ta duradero
Made in Aruba
Inf. 5938182

Orange matras

Olijfistraat 23- D
Tel: 588-7468 / 592-3344 Nos tin tur size di matras y box y tambe nos ta fura matras- box -set di sala-comedor-TV chair. Pa bo ta drumi dushi

Ta huur

1studio

Wc cu baño

Na Savaneta

750,00 inclusief
awa gas cable y
coriente.

1 luna borg

5930474

Resultado di number:**Diahuebs 7 Mei Merdia**

Catochi	Big 4
1556	6049
9932	
6802	

Zodiac	XXXXXXXXXX
7986 – Virgo	XXXXXXX
	XXXXXXXXXX
	XXXXXXXXXX

Diahuebs 7 Mei Anochi

Catochi	Big 4
8644	7003
2700	
5296	

Zodiac	Mini Mega
6644 – Acuario	XXXXXX

Lotto di dia	Corsou
23 – 02 – 07 – 29 – 26	1522
	3233
	3846

Diario	Super 4
3479	9631
0350	
7077	

4 skina DIA
XXXXXXXXXX
4 Skina Cur
XXXXXXXXXX

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500



Grand Master Jose Chaco Cornelio a wordo honra na grandi na Ecuador



Grand Master Chaco Jose Cornelio a ricibi otro reconocimiento internacional.

Grand Master Sir Chaco Jose Cornelio, a wordo acerca pa duna curso di referee na Quito, Ecaudor. Grand Master Chaco Jose Cornelio di Noord Taekwondo Center a duna dos dia di curso di referee di Taekwondo mas tres dia di evaluacion pa e cursistanan. Por bisa cu e curso aki tabata uno di hopi interes ya cu no solamente refereenan pero coachnan tambe di diferente region di Ecuador a participa pa keda update cu e ultimo reglanan di e deporte di Taekwondo. Cu hopi aprecio Grand Master Chaco Jose Cornelio a comparti su conocimentonan na e cursistanan.

Pabien Noord Taekwondo Center cu Grand Master Sir Chaco Jose Cornelio y hopi exito mas pa sigui hiba number di Aruba pa dilanti.

**NO ENFRENTA
CANCER DI
PECHO BO SO**

BREAST CANCER SUPPORT GROUP

Mary-Joan

Adress: Sabana Blanco 8
Tel: 588-9999


BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Orañestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147
Agencia Funeral:	
The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Botica na Warda

Yama pa informacion na
Horacio Oduber Hospital:
527-4000

Dokter na Warda

Solo Local.....

Seleccion di Futbol di Aruba a gana Jong ADO Den Haag

Den stadion Kyocera na e ciudad di Den Haag a tuma un torneo di futbol entre seleccion di Aruba y Jong ADO Den Haag. E seleccion di Aruba a hunga un wega sumamente bunita unda na final nan a logra sali ganador cu un score di 0-3. Esaki sigur tabata un bon oportunidad pa coach Giovanni Franken mira e abilidad di su hungadornan.

E torneo di futbol aki tabata un wega den cuadro di preparacion pa cu e WK unda Jong ADO Den Haag lo participa. Tambe e torneo aki tabata un bon momento pa hungadornan hoben mustra nan talento.

E seleccion di Aruba, despues di a hunga aproximadamente 30 minuut, a logra hinca e prome gol di e wega. Cu un pase te dilanti di gol di e hungador Walter Bennett, e hungador Geert Vocking a hinca e prome goal pa seleccion di Aruba. E di dos gol di wega a wordo hinca pa hungador Jelano Cruden.

Despues di a hunga 1 ora, hungador di Jong ADO

Den Haag Mitchell de Vlucht mester a sali for di wega pa motibo di un blessure. Como cu e coach di Jong ADO Den Haag no tabata tin mas cambio, e seleccion di Jong ADO Den Haag mester a sigui hunga cu solamente 10 hungador.

Cu un pase te dilanti di goal di e hungador Steve Escalona, e hungador Giliomar Leona a hinca e di tres gol pa seleccion di Aruba.

E seleccion di Aruba tabata consisti di e siguiente hungadornan: Aldrich Susannah, Dwight Oehlers, Jefferson Vegas, Richard Lu, Leroy Oehlers, Quillan Donata, Gino Mulder, Jonathan Richard, Geert Vocking, Walter Bennett, Erixon Danso, Donavan Levestone, Steve Escalona, Raymond Baten, Jelano Cruden, Giliomar Leona.

Gabinete di Minister Plenipotenciario ta extende un palabra di pabien na e hungadornan di seleccion di Aruba, cu nan bunita logro!



TRAPPERS CLUB

- Fiesta, reunion, ricibimento, bruid, fiesta grandi o chikito.
- Workshop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala airco cu ta acomoda te cu 400 persona
- Area openlucht cu stage, pa festival, iglesia, fiesta familiar
- Remodel'a Situa pariba di Botica Central, pabao di veld di Rockets @ Sta Cruz 739-0101 / 748-8280



NO ENFRENTA CANCER DI PECHO BO SO

Adress: Sabana Blanco 8 Tel: 588-9999



Solo Local.....

Diadomingo dia 17 mei 2015 A.D.R.A. ta organisa

E grandioso 3rd Do It Best 10 K RUN

Diadomingo, 17 di Mei 2015, All Distance Runners Aruba ta organisa conhuntamente cu Do It Best (General Store), e gran Do It 10K Run & Walk. E start di e careda mes lo ta pa 6 AM for dilanti General Store Camacuri. Pa 3:45 AM lo tin bus nan disponibel pa transporta e participantenan for di Do It Center Shaba pa General Store Camacuri. Pa inscripcion por pasa na Do It Center Shaba, Do It Savaneta General Store Camacuri y Ibisa. Inscripcion na IBISA, ta cera Diarazon 13 di Mei na e Do It Center Shaba diabierna 15 di Mei. Riba e diadomingo di careda no ta tuma inscripcion. Registracion prome cu e careda e mainta ey lo cuminsa ya for di 4 AM na General Store Camacuri. Inscripcion ta costa solamente afl. 20,= y pa esaki cada participante ta haya un T-shirt como souvenir. Lo bay tin awa prome, durante y despues e careda como tambe na final lo bay tin fruta hunto cu awa, bebida na nan pa recurepa curpa. Den e careda aki lo tin

premiacion pa e prome tres ganadornan den e categoria pa core dornan: Damas: 14-19, 20-29, 30-34, 35-39, 40-44, 45-49, 50-54, 55+;

Caballeros 14-19, 20-29, 30-34, 35-39, 40-44, 45-49, 50-54, 55-59, 60+.

Ruta: Start 6AM dilanti General Store Camacuri bay direccion L.G. Smith BLVD, sigui direccion Sasaki Weg, bira na man drechi na e SuperFood nobo, sigui direccion pariba riba e caminda di Bubali te na e T-weg di Caya Frans Figaroa pa bira na man drechi y bai caba den e perkeer plaats di Do It Center na Shaba. E ruta ta cubri un distancia di 10 Kilometer.

Pa mas informacion di e careda aki por tuma contacto na telefoon

592-8592 of via email adRARuba@gmail.com.

All Distance Runners Aruba ta invita tur atleta y e pueblo di Aruba completo pa join nos den e evento aki.

Alavez ADRA ta haci un suplica na nos automobilista nan pa tuma bon nota di esaki y contribui na e evento aki di no trece e participantenan den peligro y si ta posibel tuma un otro ruta. Nos gradicimento pa esaki. Un Aruba cu ta practica deporte ta un Aruba sano.

Programa pa Santo Sacrificio di Misa diana 9 pa 12 di Mei proximo

S.S.Misa di diasabra 9 Mei pa 7.00 pm lo bay tuma lugar na Sitio Dr Jose Gregorio na Tanki Leendert.

Diadomingo 10 Mei S.S. Misa 10 am y 5.30 pm lo bay tuma lugar den Club Caiquetio. Y dialuna 11 Mei lo no tin S.S. Misa.

E redidicacion di e Misa lo tuma lugar dia 12 Mei venidero door di Msg. Luis Antonio Secco.

6.00 lo tin procesion y 6.30 lo tin e Santo Sacrificio di Misa celebra pa Msg. Secco y concelebra cu varios pastoor.

S.S.Misa di diasabra 9 Mei pa 7.00 pm lo bay tuma lugar na Sitio Dr Jose Gregorio na Tanki Leendert.

Diadomingo 10 Mei S.S. Misa 10 am y 5.30 pm lo bay tuma lugar den Club Caiquetio.

Y dialuna 11 Mei lo no tin S.S. Misa.

E redidicacion di e Misa lo tuma lugar dia 12 Mei venidero door di Msg. Luis Antonio Secco.

6.00 lo tin procesion y 6.30 lo tin e Santo Sacrificio di Misa celebra pa Msg. Secco y concelebra cu varios pastoor.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Celebracion prome aña di Parokia di Tanki Leendert

E aña aki Parokia di Tanki Leendert San Juan Pablo Segundo lo cumpli 1 aña di existencia y a surgi un bunita idea pa tene e nobena parcialmente na diferente residencia di e parokia.

Cristo no a hiba palabra den tempel so, pero a hiba palabra di su Tata, na unda esaki tabata necesario y esaki precisamente ta loke cu e Parokia kier logra cune cu mas famia, mas parokianonan ta envolvi den e gran celebracion.

E mester bira un celebracion na unda henter parokia tin participacion y por ta bendiciona pa ricibi Cristo bibo den nan hogar. Ta pesey henter parokia ta keda invita pa tuma parti activamente na e gran celebracion, pa nos muestra Señor y nos patrono stima cuanto nos ta stima Nan.

Tuma bon nota di e cambio aki, segun e programa cu ta ser publica hunto cu e comunicado aki.

Aruba Softball Bond hunto cu SV Royal Power y HEINEKEN ta anuncia



Champ of the Champs 2015

"The ninth Edition" 29 Juni pa 5 di Juli 2015



Teamnan cu ya a confirma: Destroyers y Suffisant Eagles (Curaçao), Farah, Los Francos y Cabayeros De Merida (Venezuela), Los Fuertes y Cristobal (Republica Dominicana), dos sorpresa Canada y USA. Keda pendiente!!!!

Solo Local.....

Softbal Escolar ta Finalisa:

Colegio Arubano ta titula Campeon



For di luna di maart weganan di softbal organisa pa IbiSa a cuminsa riba diferente tereno. E torneo di softbal tabata entre schoolnan di Enseñansa Avansa, pa mira cua ta e school cu lo bira campeon e aña escolar aki.

Riba tereno di Flatstone Ballpark na Piedra Plat a tuma lugar diahuebs dia 30 di april, e final di softbal escolar pa schoolnan di Enseñansa Avansa. E wegá aki a bay entre e hobennan di

Colegio Arubano y Maria College. E wegá tabata uno interesante, unda ambos school a cuminsa bataya fuerte contra otro manteniendo e wegá 1-1 te na e di dos inning. Cos a bolter completamente den e di tres inning ora cu Maria College a permiti Colegio arubano score 11 careda. Apesar di esey e hobennan di Maria College a sigui bataya y a logra anota 6 careda. Na su turno, e hobennan di Colegio arubano ta sigui cu e racha y ta anota 6

careda mas. E hobennan di Colegio Arubano ta bay cu e victoria cu e score final di 18-7. E picher ganador a bira Ricardo Carillo y e mihor bateador, Andrew Croes cu a bay di 3-3 y Lorenzo Gneco di 3-2.

IbiSa ta felicita tur school cu a participa na e torneo escolar, especialmente esnan cu a logra premiacion como tambe na tur mayor y maestro cu a bin apoya nan school durante e weganan.



Atencion: Lost Puppy

Den anochi 5 di Mei mi a yega cas y mi puppy no tabata tey. E yama Bruna. Please yudami haye bek! El'a ser perdi banda di Savaneta 227A, ongeveer patras di Valero. Please, mi sa cu tin bon hende, mi ta pidi boso di curazon pa yudami haya mi puppy bek!! E ta bruin, wowo berde y tin banchi oranje. Please sigui broadcast pami por haye bek.

Danki di antemano. God bless You

Tel: 594 - 4889

TIN RECOMPENSA!!

LAGA NOS SIGUI RESA, PIDIENDO INTERCESSION DI SAN HUDAS TADEO

Hesus sea alaba y cu Maria semper sea alaba

Señor mes ta bisa:

"Ma boso no kier a kere, pasobra boso no ta pertenece na mi trupa di carne."

(Juan 10, 26)

E aña aki nos lo resa hunto atrobe pa haci un contribucion na un grupo y e aña aki nos lo resa pa yuda Parokia La Birgen di Fatima Dakota pa cu drechamento di e Misa.

****No lubida! Esnan cu por, por bishita e Santuario di Hesus Sacramentado den silencio tur dia for di 7 or di mainta pa 9 or di anochi na Misa La Birgen di Fatima Dakota y tambe na Blue Army San Nicolas. Corda cu boso lo por hinca tur boso problema den Su man.***

***E Santo Sacrificio di Misa pa gradici San Hudas Tadeo pa e gradianan cu nos a ricibi lo tuma laga na un Parokia cu cada devoto ta desea y hiba di gusto. Esaki mester tuma laga riba diabierna 1 di Mei, 2015 na e ora cu tin Santo Sacrificio di Misa (generalmente ta 7 or di anochi).

POR FAVOR ESNAN INTERESA PA UN ORACION NA CAS PA E AÑA AKI 2015 POR TUMA CONTACTO CU SRA. ROSA MARIN-GEERMAN NA TEL: 582-4172, MIRIAM VROLIJK (594-1829 (por favor despues di 5'or p.m.) OFIDA CROES - 594-4144

Awo laga nos sigui como devoto na

San Hudas Tadeo - Santo Abogado pa casonan imposibel

pa invita bo persona p'asina aki nos por resa hunto e luna aki atrobe y hinca den su man nos intencion y plannan pa e por hiba nan na nos Tata Dios.

28 di cada luna lo tin resamento na un cas di un

devoto, (nos lo resa 9 luna na un cas di un devoto y na October lo tene San Hudas Tadeo su nobena (19 October pa dia 27 October 2015 - Su Fiesta mes ta dia 28 di October) y p'esey awo nos ta sigui y e siguiente oracion lo tuma laga riba

DIAMARS 28 di APRIL 2015

na cas di FAMILIA ELIZA KELLY

MOKO 12-A

TEL: 587 - 3568

"Si ta bin di Paradera yega despues di Parke di Curazon bira na man robez drenta e caminda pa bay Moko sigui core pasa e cas di Speranza (cas di rehabilitacion di drogadictonan) y cuminsa conta e casnan y e ta di 5 cas color blauw berde na man drechi y si ta bin di Catiri pa bay Moko ta yega na e cruzada despues di e laga di bende pastechi bira na man drechi y cuminsa conta e casnan na man robes y e ta di cuater cas na man robez color blauw berde net dilanti di e proyecto di Baranca di Bida.

Ora: 7:00 p.m.

UN Y TUR TABON BINI

NA E ORACION AKI

Pues p'esey asisti sin falta y lo bo keda segura

cu Nos Señor lo no nenga di scucha San Hudas Tadeo y nos Su yunan cu nan peticion.

Bo devocion sigur lo engrandecé y tin

San Hudas Tadeo como bo patrono y pa sigui su ehempel ta algo grandi. Laga nos comparti nos testimonio tambe cu nos rumannan den Cristo, confirmando cu Hesus ta Esun di ayer, awe, mañan y semper y cu E ta bibo y cu San Hudas Tadeo a yuda nos experiencia esey!!!

Solo Obituario.....

"Dios ta amor y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta haci"
Salmo 33

Cu profundo tristeza na nos curazon, nos ta anuncia fayecimento di:

Jose Ygnacio Batista Bonseñor

Mihor conoci como Nacho
*20-07-1955 † 05-05-2015

Na number di su
Yiunan: Julio A. Batista y
yiunan (Rep. Dominicana)
Mariolis R. Batista
Ariel J. Batista



Compañera di bida: Isabel Dicent y yiunan
Victor Dicent (Aruba)
Judith Altagracia (España)
Luis M. Dicent y familia

Rumannan na Rep. Dominicana: Odulia Batista y familia

Jose Batista y familia
Altagracia Batista y familia
Theodoro Batista y familia
Aurora Batista y familia
Trinidad Howell y familia (USA)
Elena Navoro y familia

Cuñanan Aruba: Ana Dicent y familia
Ana Josephina Werleman y familia
Pedro Dicent y familia
Maria Elena Dicent y familia
Maria Del Carmen Dicent y familia
Anna Deli Dicent y familia
Jose Dicent y familia (USA)

Su mihor amigonan: George y Glenda Bislip y familia
Tony Fernandez
Coisy Koolman y familia

Carlito Orman
Patricio Jacobs
Tonito Werleman

Su mihor amiganan: Susana, Mariana,
Patricio, Rosa y familia

Tur su coleganan: ATCO Garage, Ecotech, ATCO
Concrete, Meta
Corporation, Eco
Gas.

Nieto y nietanan, primo y primanan na Rep.
Dominicana, USA, España.

Su bon bisñanan.

Oportunidad pa condoleer Dialuna 11 Mei 2015 for di
7'or pa 9'or di anochi na Aurora Funeral Home.
Acto di despedida lo tuma lugar Diabierna 15 Mei
2015 for di 2'or pa 4'or di atardi, sigui pa cremacion
den seno familiar.

Nos ta pidi nos disculpa cu despues di entiero nos no ta ricibi bishita di condolencia na cas.

Oracion di Dia.

Amor ta un regalo cu Dios a duna nos. Amor pa nos mayornan, famianan, amigonan, conocirnan y mas ainda e amor pa Cristo Hesus. Amor ta algo bunita cu nos mester comparti cu nos prohimo, vooral esnan cu no por duna nos nada bek. Cristo Hesus ta siña nos pa stima nos enemigonan y resa pa esnan cu ta persigui nos. E ta un tarea hopi dificil pero e no ta imposibel. Pesey nos mester pidi Dios pa laga nos stima cu tur su amor pa medio di Cristo nos Señor Amen.

Orario di sirbishi kerki di Piedra Plat dia di mama diadomingo 10 Mei 2015

Kerkenraad di Protestantse Gemeente Piedra Plat ta anuncia cu en conexion cu dia di mama diadomingo awor 10 di mei sirbishi na Kerki di Piedra Plat lo ta 11 or di mainta.

"Ki alegria, ora nan a bisa mi: "Ban cas di Señor!"
Y awor, ata nos para den bo portanan, Herusalem!"

Cu hopi tristeza pero conforme cu boluntad di Dios nos ta participa fayecimento inespera di nos tata, welo, bisawelo, ruman y omo stima:



Antonio Felix Britten

mihor conoci como Toni Lama of Padu
*11-02-1932 - †06-05-2015

Ta invita pa e acto di entiero cu lo tuma lugar diamars 12 di Mei 2015 na Aurora Funeral Home di 2'or pa 4'or di atardi, despues lo sali pa Santana Pastoor Kraanwinkel na Paradera.
Adres pa condolencia: Aurora Funeral Home, dialuna 11 di Mei 2015 di 7'or pa 9'or di anochi.

In Memoriam

Poesia pa Maatjie: Avelina Croes-Vrolijk

Un atardi bou afdak di e cas moderna bieu mi mama cumi,

Declamando poesia na Spaño y versjes Hulandes di soeur Amancia,
Mi mama den su ultimo suspiro ta bisami cu forza fragil:

'Hellen, bringa nan te na morto', 'Di esey Ma por ta sigur' ma conteste.
Y su sonrisa di Amazona guerera a keda graba pa semper den mi memoria.

mr. drs. Helena D. Croes (Tacamahaca)
Pos Chiquito 19 oktober 2014

The art of Engraving NV

Engravings on marble - granite- mirrors- wine glass

wood-metal-designs

photo ceramic and much mor

Rooi Afo 33c Paradera

TEL:5884433/7413449/5934757

email: theartofengraving@hotmail.com

Solodipueblo@gmail.com....

“Ban Move” cu Caminata Gubernamental 2015

Activiteitencommissie Directie Financiën (ACDF) a ser funda na October 2009 pa organiza actividadnan riba tereno educativo, social, cultural y deportivo pa asina promove “teamwork” entre e personal di

Directie

Financiën.

Riba programa 2015 di ACDF, luna di Mei ta Luna di Salud pa su miembronan unda lo tin e.o. charla, Bus di Salud y Caminata

Gubernamental 2015.

C a m i n a t a Gubernamental

Tur departamento di Gobierno ta invita pa join 5º Caminata Gubernamental cual lo tuma lugar diabierna 22

Mei 2015 pa 5:30 atardi saliendo for di Brandweer Airport pasa riba Linear Park pa Wilhelminapark y termina na Brandweer. Registracion ta cuminsa pa 4'or di atardi y ACDF ta pidi un contribucion di Afl. 5,= pa persona

pa asina yuda cubri e gastonan di caminata y tambe un parti lo bay pa un instancia caritativo.

Tur aña ACDF conhuntamente cu personal di Directie Financiën ta haci entrega di donacion na un instancia caritativo. Den pasado a haci entrega di donacion na Grupo Magdalena, Stichting Koningin Wilhelmina Kankerfonds, Fundacion Autismo Aruba, Ban yuda Fichin, Fundacion Alzheimer Aruba y Fundacion Epilepsia Aruba.

Inscripcion

Pa inscripcion y compra di ticket por acudi na Front Office di Directie Financiën cerca sr. Brian Croes of por yama Brian 5223330, Arminda 5223361, Maruska 5223341, Elynson 5223324, Bianca 5223345, Clarissa 5223370 of fax na 5824580 of email na info@finance.gov.aw.

Un bez mas ACDF ta extende un invitacion cordial na tur empleado, famia, amigoy conocirnan di cada departamento di Gobierno, scol, fundacion y compania pa acudi na Caminata Gubernamental 2015 pa hunto nos “Ban Move”.

IbiSA lo guia 5º Caminata Gubernamental cual ta uno di 5km y lo tin patia, awa y Gatorade pa cada participante. Ban move pa nos salud!



5º CAMINATA GUBERNAMENTAL

Fecha: diabierna 22 mei 2015

Start: 5:30 pm

registracion 4:00 pm

Ruta: Brandweer – Linear Park – Brandweer

Prijs: Afl. 5,=

Pa ticket y/of info na Directie Financiën:

Brian 5223330 – Arminda 5223361 – Elynson 5223324

Maruska 5223341 – Bianca 5223345 – Clarissa 5223370

Email: info@finance.gov.aw

Organisa pa Activiteitencommissie Directie Financiën

